

ASun Wankláán Ání
Marko
 Lówanlín

Asú Ɖbɔpú Yohane Bulu Asún Ɖkanda

(Mateo 3:1-12; Luka 3:1-18; Yohane 1:19-28)

¹ Alí Bulu mu Bi Yesu Kristo ɪwɪ asun wankláán ámu ilotsuá asu ní. ² Ʋleba mútótó fée alía Bulu ɔnósú ɔtɔ́ipú Yesaia lówanlín wá mu ɔwulútótó ɔbéɛ,
 “Ƙɪ, ndɛ obí wa gya fu nkpa.

Mu ɔbéla ɔkpa há fú ní.

³ Ɖkɔ dékplɔn dimbísú ɔbéɛ,

‘Mlula anɪ Wíe ɔkpa.

Mlɪtswii ikpa ha mu!’ ”

⁴ Asú Ɖbɔpú Yohane léba ɔde ahá asú bɔ, ɔde Bulu asún ɔkan da Yudea dimbísú ɔbéɛ, “Mlɪdamli klɔntɔ, amlɪsi lakpan bwe. Bulu osikie mlɪ, ambɔ mlɪ asú.” ⁵ Ahá botsu Yerusalem wúlutɔ pú Yudea ɔmátótó fée bá mu wá. Beɛ amú lakpan blí, ɔlɔbɔ amú asú Yordan ntsutso.

⁶ Yohane lówa kpósótó-imi atadiɛ, ɔlɔpɔ ɔwulú-kpákpa ɔfé klí músú. Atsantsanku pú ɔkwén otegyi. ⁷ Oletsia dá asún ɔkan, blí ɔbéɛ, “Ɖkɔvá ɔɔɔn mi bu ɔma ɔbá. Mmɔfɔn ání nógyonká sánkí mu ntukota ɔfé kúráá. ⁸ Mí mú á, ntsu ndepɔbótó mlɪ asú, táme mu mú ɔbɔpɔ Ɖɣɣe Wankíhé bótó mlɪ asú.”

Yesu Asúbɔ Pú Mu Isóki

(Mateo 3:13-4:11; Luka 3:21-22; 4:1-13)

⁹ Nkɛ ámutɔ á, Yesu lótsu Nasaret, wúluá ɪbu Galilea ɔmátótó ba Yohane wá, Yohane lóɔbɔ mu asú Yordan ntsutso.

¹⁰ Yesu lénya dáli ntsu ámutɔ alɪ, olowun nɔwulótáa lefinkí, Ɖɣɣe Wankíhé dékplí dalɪ mútótó fée abróɔɔma, ulobogyonká

musu. ¹¹ Inu ome ku lótsu osúsó obée, “Fúgyí mí bíá ntòdwé, mi ansí tehié gyí fú iwí ní.”

¹² Inuonu ɔɣe Wankíhé amu lékpa Yesu ya dimbísú.

¹³ Oletsíá unu nke advana, Satan létsíá boso mu ki. Mva pututò-mbwi létsíá, Bulu-aboɔɔ beba beki musu.

Yesu Gyumagyihe Asitsúa

(Mateo 4:12-22; Luka 4:14-15; 5:1-11)

¹⁴ Bekítá Yohane tswi obu oma a, Yesu lóyo Galilea omátó, oɔe Bulu asun wankláán ámu okan da. ¹⁵ Obée, “Bré ámu lafun. Bulu iwíegyi ámu lawíé wóyí tá. Mlídamlí kluntò ba Bulu wá, amlíhò mu asun wankláán ámusu gyi.”

¹⁶ Eke oku Yesu ná Galilea ɔɔɔ onó, olowun Simon mua mu gyama Andrea. Bude asawu tswí, tsúfé aye alepú bugyi. ¹⁷ Múy oɔlebláa amú obée, “Mlíba bobuo mi. Nóbwe mlí anyánkɔɔsa alepú.” ¹⁸ Inuonu besi amú asawu aná tswi, kplá buo mu.

¹⁹ ɔɔlenatí yó nkpa kpalobí á, olowun Sebedeo abí, Yakobo mua mu gyama Yohane é. Bubú okluntò, bude amú asawu bíun. ²⁰ Inuonu Yesu létí amú é, benatí sí amú sí múa mu apafò wá oklun amutò ba bobuo mu.

Yesu ɔɣe Laláhe Gyáa

(Luka 4:31-37)

²¹ Yesu mua mu akasípú boyo Kapernaum wúlutò. ɔɔoyo Yudafò ofiakpa yósuná ató okpúnú oɔaké. ²² Mu atosunáhé lobwie amú onó, tsúfé olosuná amú ató túmisu. Megyi fé Mose mbala asunápú amu.

²³ Oyin oku léba ofiakpa unu, ɔɣe laláhe bu musu.

²⁴ ɔɔokplón bí obée, “Yesu Nasaretyin, amansu búv ania funyo nsiné? Aní okpá feba lóó? Nyin oha oduá fugyi. Fúgyí Bulu ɔha Wankíhé amu ní!”

²⁵ Yesu lóokplun wa ɔɣé ámu obée, “Kpa onó bun, afudali mutò.”

²⁶ Inu ɔɛ laláɛ amu lówsúsú oyin ámu ɔwunlínsú, súra okitikítí kóklókúú, dáli mutɔ. ²⁷ Ɔnó lobwie amú fée, befité aba beɛ, “Ntɔ ofúla ni? Inu mú á, atosunáhé pɔpwe ni. Oyin ánfí bu túmi, ɔtakplón wa ɔɛ laláɛ, itobú mu.”

²⁸ Inu su Yesu idá lekkléi wá Galilea ɔmá ámutɔ fée.

Alɔpu Tsɔtsɔtsɔ Tsa

(Mateo 8:14-17; Luka 4:38-41)

²⁹ Yesu mua mu akasípú benya dáli Yudafo offiakpa inu alí, bɔɔ Simon mua Andrea wóyító. Yakobo mua Yohane é bubu amútó. ³⁰ Bɔɔ á, owísó lakítá Simon mu sia tsíhé, ɔda. Inunv bebláa Yesu ɔtsi ámu iwí asún. ³¹ Múú ɔlɔɔ yékítá ɔtsi ámu ibi, tsú mu kúsú. Inunv owísó ámu lókusú musu, ɔlobwe amú afóɔɔ.

³² Mú ntópwe fɔɔn a, bɔpu alɔpu pú ahá ání ɔɛ laláɛ de amú háan fée ba Yesu. ³³ Wúlu amu fée beba befia wóyí ámu ɔnó. ³⁴ Yesu létsa ahá tsɔtsɔtsɔá buɔe ilo ɔtsan-ɔtsan lo, olegya ɔɛ laláɛ tsɔtsɔtsɔ é lé aháɔ. Ɖmeɛha ɔɛ laláɛ amu abutɔi, tsúfé amú fée buyin mu.

Bulu Asún Ɖkanda Galilea Ɖmátó

(Luka 4:42-44)

³⁵ Mú ɔyi keɛɛ bake a, Yesu léɔali wúlu amutɔ ɔɔ itsétó ɔɔe mpái bɔ. ³⁶ Táme Simon mua mu aba bɔbɔ mbódí dúnká mu alu yówun mu. ³⁷ Bréá bowun mu a, bebláa mu beɛ, “Ahá fée buɔe fú dunká.”

³⁸ Múú Yesu lébláa amú ɔbée “Mliha aɔɔ awúlu bámbású, anyeɔa Bulu asún ámu ɔkan inu é, tsúfé inu su neba ni.”

³⁹ Inu ɔlɔɔ yéki Galilea ɔmátó fée, ɔɔe asún ámu ɔkan da Yudafo offiakpa fée, ɔɔe ɔɛ laláɛ é gyáa le aháɔ.

Ilo Pɛɛ Ɖlɔpú Ɖku Tsa

(Mateo 8:1-4; Luka 5:12-16)

⁴⁰ Ilo pɛɛ ɔlɔpú ɔku léba beɔa akpawunu Yesu ayabito, kókóli mu ɔbée, “Owíé! Ní fótulá á, fétalí há mí iwí bépli.”

⁴¹ Mu asún lówa Yesu nwe. Mú su ɔletinkí ibi da mu, bláa mu ɔbéε, “Natsúlá, fú iwí ɔplí!” ⁴² Inɔnu ulo pepe amu ɔleta, mu iwí lépli. ⁴³⁻⁴⁴ Múú Yesu léda mu ɔlá ɔbéε, “Mábla ɔhaa asún ánfí. Natí laa afɔpu fú iwí yosuná Bulu igyí ɔhapó, afɔha mu iwígyɔráto amúbú Mose mbla lósuná tsú ulo pepeɔta iwí ámu. Igyi adánsie suna ahá ání fú iwí laplí.”

⁴⁵ Táme oyin ámu lénya dáli unv alí, ɔlɔwa mú ɔkan da bi. ɔlɔda asún ámu ɔkan wúlu amɔto féé fíá. Mú su Yesu métra talí lé iwí ɔwan wíé wúlu kukɔto, itsétó oletsíá tsíá. Táme mú ó á, ahá betsíá tsú ntíné-ntíné ba mu wá.

2

Tsukule Osínpu Tsa

(Mateo 9:1-8; Luka 5:17-26)

¹ Nke kpalobí kv ɔma a, Yesu léyinkí yó Kapernaum wúluto. Ahá bonu ání alaba wóyí. ² Mú su ahá tsɔtsɔɔtsɔ beba bɔbulá wóyí ámu. ɔkpa kúráá itráa ma unvá fɔtsun wie mótó. Yesu léda Bulu asún ámu ɔkan súná amú. ³ Ahá abaná bɔsvrá tsukule osínpu ɔkv akpasv ba mu. ⁴ ɔdɔm amu su bumenya ɔkpa pú mu wíé Yesu wá. Íni su bɔyódu obu ámu awunso, dá mú ɔtineku tíí, bekplía akpa amu tsun ɔbó ámuto, pú mu tswi Yesu ansító. ⁵ Bréá Yesu lówun ání bahɔ mu gyi a, ɔlebláa tsukule osínpu amu ɔbéε, “Mí bí, nasí fú lakpan kíé fú.”

⁶ Inu Mose mbla asunápú akvá butsie unv, beblí wá nwuntɔ beε, ⁷ “Nto asún oyin ánfí déblí alí? Megyí mbusuo álabó á? Ma é ɔbétalí sí lakpan kíé ahá dvn Bulu nkole?”

⁸ Yesu lébi ání bude nwéen gyí amú nwuntɔ. Mú su ɔlefíté amú ɔbéε, “Ntogyi sù mlidé íni odu gywúín? ⁹ Mɔmu bówa ablilé ání nébláa tsukule osínpu anfi? ‘Nasí fú lakpan kíé fú’ ntéε ‘Kusv tsu fú akpa afɔnatí?’ ¹⁰ Táme ndekléá mlíbú ání mí, Nyankpɔsa-Mv-Bi ánfí mbv túmi ɔyí ánfíto sí ahá lakpan kíé amú.” Inu ɔlebláa tsukule osínpu amu

ἄβέε, ¹¹ “Nde fú bláa mbéé, kusu! Tsu fú akpa afonati yó wóyító!”

¹² Inununuwun olokusú, tsú mu akpa, náti amú ansító unu. Inu lówa amú fée wánwan, bekanfú Bulu blí beé, “Animókúwun ofúla anfi odu ki.”

Lewi Ti

(Mateo 9:9-13; Luka 5:27-32)

¹³ Yesu létrá yó Galilea opu onó. Odám kponkpɔnkpɔnti beba mu wá, olosuná amú ató. ¹⁴ Bréá olapu oyó á, olowun Alfeo mu bi Lewi tsie mu lampóo ohókpa. Múú olébláa mu ἄβέε, “Bobuo mi.” Inunuwun olokusú buo mu.

¹⁵ Mú ama a, Lewi létí Yesu mva mu akasípú ató ogyíkpa mu wóyító. Lampóo ahópu pú lakpan abwepú tsotsɔtsɔ é bobuo mu ba ató ámu ogyíkpa. ¹⁶ Bréá Mose mbla asunápú amuto akvá bugyi Farisifó bowun ání Yesu mva lakpan abwepú pú lampóo ahópu bude ató gyí a, befité mu akasípú beé, “Ntogyi sù mva lakpan abwepú pú lampóo ahópu bude ibi wa gyi ató?”

¹⁷ Yesu lónu asún ánti, olébláa amú ἄβέε, “Alapu léhián ilo ɔtsapú, megyí ahá ánti iwí bu amú onlun. Mmɛba aha wankláán otikpá, mboún lakpan abwepú otikpá neba.”

Onóklí Iwí Asun Fitéhé

(Mateo 9:14-17; Luka 5:33-39)

¹⁸ Asú Obopú Yohane akasípú pú Farisifó butetsiá klí onó. Eke oku aku beba befité Yesu beé, “Ntogyi sù Yohane akasípú pú Farisifó akasípú buteklí onó, táme fú akasípú mú butamaklí onó?”

¹⁹ Yesu léle mú onó ἄβέε, “Ní ɔtsi okpaínpu bu mu anyawíe wá á, béklí onó? Ekekeke! Iníá obu amú wá ánti mú á, buméeklí onó. ²⁰ Táme eke ku béba ánti békpa oká otsiápu amu náti sí amú. Alí nke ámuto béklí onó ní.

²¹ “Ohaa tamapú tati pɔpwe tan tati dada. Tsúfé tati pɔpwe amu békpikpú tsií dáda amu iku lé, há otánkpa unu

bélatéí tsía. ²² Alí kén butamapú nta pəpwe wá əwulú-kpákpá kente wuhétó ní. Nta pəpwe amu ibófu fá kente amu tsítsá, yíntá kente amu é. Íni su əwulú-kpákpá kente pəpweə bótəpú nta pəpwe wá.”

Ɔkpúnú Ɔdaké Mu Wie

(Mateo 12:1-8; Luka 6:1-5)

²³ Yesu mva mu akasípú bətsun ayó ndə kutə Ɔkpúnú Ɔdaké, mu akasípú bəpusáa ayó ámu ku wí. ²⁴ Farisifə aku bowun amú, bəfité Yesu bəe, “Kí, ntogyi sú bude tóá aní mbla meha Ɔkpa bwe Ɔkpúnú Ɔdaké?”

²⁵ Yesu léfité amú ɔbé, “Mlumókúkla nu tóá Owíe Dawid lóbwe bréá akún de mva mu abúopu, buma tətəá béggi kí? ²⁶ Olebitíwíe Bulu osúmka yótsu bodobodoá bapúhá Bulu igyí ba, mva mu abúopu amu begyi, Bulu igyí ɔhapú dehen Abiata bísú. Bulu igyí ahapú nkule bele Ɔkpa bútegyi alí bodobodo amu.”

²⁷ Múú ɔletrá bláa amú ɔbé, “Nyankpusa sú Bulu lóbwe Ɔkpúnú Ɔdaké ámu. Megyí Ɔkpúnú Ɔdaké ámu sú Bulu lóbwe nyankpusa. ²⁸ Mú su mí, Nyankpusa-Mu-Bi ánfu gyí Ɔkpúnú Ɔdaké mu wie!”

3

Ilətsa Ɔkpúnú Ɔdaké

(Mateo 12:9-14; Luka 6:6-11)

¹ Yesu létrá yə Yudafo ofíakpa unv á, oyin ɔku tsie unv, mu ibi kule lawú. ² Aha aku bude Yesu tée, abuki bəe ɔbétsa mu ilo Ɔkpúnú Ɔdaké ámu, méni bénya mu iwi asún bí.

³ Yesu lébláa oyin ámúú mu ibi kule lawú ámu ɔbé, “Kusu belí amú ansító nfi.” ⁴ Múú ɔlefité amú ɔbé, “Ntə aní mbla léha Ɔkpa aní abwée Ɔkpúnú Ɔdaké? Yilé lóó, ntée lalahə. Ahóə ɔha nkpa lóó, ntée amóə mu?”

Táme ɔhaa méle mú ɔnó. ⁵ Yesu lópu ɔbló kí amú bómlí. Iləhə mu ɔsun, tsúfé kluntə bu amú odwin. Múú ɔlebláa

oyin ámu ðéε, “Tínki fú ibi amu.” Olenya tínki mú ali pé, ðhé lowie mútót. ⁶ Farisifó ámu bedali yó, amúa Owie Herode ahá bekitá agywun unonu alía bóbwε bómo Yesu.

Ahá Tsotsótsó Ilo Tsa

⁷⁻⁸ Yesu mua mu akasípú benatí bóyó Galilea ðpu ðnó. Ððm kponkponkponnti bobuo mu tsú Galilea múa Yudea ðmátót, Yerusalem, Idumea, Yordan bunkpa ðbun pú Tiro múa Sidon nsáuntó ba mu wá. ⁹ Ahá ámu bødubi. Mú su ðlebláa mu akasípú ðbéε, budúnka ðklon ku yai ha mu, ménu bumóoputá mu. ¹⁰ Tsúfé alatsá ahá tsotsótsó ilo. Mú su aləpu amutó okugyíokv dékléá ðbópu ibi da mu. ¹¹ Ní ahá ání ðhe laláhe bu amúsú benyá wun mu ali á, badida mu ayabiasi, súra okitikíti blí beε, “Fúgyí Bulu mu Bi ámu ni!”

¹² Táme ðleda ðhe laláhe amu ðlá kínkíínkín ðbéε, umáha ahá abubi mu.

Akasípú Amu Adá

(Mateo 10:1-4; Luka 6:12-16)

¹³ Yesu lódu yó busu, ðleti ahá ání mu onutó odeklé, bóyótú mu. ¹⁴⁻¹⁵ Múú ðlele amútót ahá dúanyó, ðleti amú mu sumbí ayópu ání mua amúnýó bétsiá, otsia wa amú abuyeda mu asún ðkan, abugya ðhe laláhe lé ahátó.

¹⁶ Ahá dúanyó ámu adá gyí, Simon ání ðledunká mu Petro; ¹⁷ Sebedeo abí Yakobo mua mu pio Yohane (ðledunká amú adá ðbéε, “Boanerges.” Mú asi gyí, “Ðpráda abí.”); ¹⁸ Atráhe gyí, Andrea, Filipo, Bartolomeo, Mateo, Toma, Alfeo mu bi Yakobo, Tadeo mua Simon ání ogyi iwisutsiá adunkápú ðpasuató ðha; ¹⁹ pú Yuda Iskariot ání ðlebele mu há.

Yesu Mua Beelsebul

(Mateo 12:22-32; Luka 11:14-23; 12:10)

²⁰ Bréá Yesu lóyó wóyítót a, ððm betrá ba mu. Mua mu akasípú bumenyá ðkpa ání bégyi ató kúráá. ²¹ Bréá mu

wóyító ahá bonu mu iwí asún á, bɔyɔ beyékpa mu, tsúfé buki bee mu nwun layíntá.

²² Mose mbla asunápurú akvá botsu Yerusalem ba unu beblí bee, “Ɔɣe laláɣe owíe Beelsebul tsíe mutɔ. Mu túmi ɔdeɣyɔ ɔɣe laláɣe lé ahátɔ.”

²³ Mú su Yesu létí amú ba mu iwí wá, ɔlebláa amú asún ayébitɔ ɔbéɛ, “Nkáli Ɖbunsám ɔbétalí gya mu iwí? ²⁴ Iwíe ogyíkpa ání ilaye anyɔ, buɔe aba kɔ ibédida. ²⁵ Wóyí oduá mútɔ atsiápurú buɔe aba kɔ é itobwíe. ²⁶ Mú su ní Ɖbunsám dé mu iwí gyáa a, ɔméetalí líí. Mu ɔnɔ ɔmɔkpa ní.

²⁷ “Ɖhaa méetalí wíe ɔwunlínpurú wóyító yókulá mu atɔ, nkétí alagyankpa kíklí mu tswí, asa ɔbétalí kúlá mu atɔ féé.

²⁸ “Ɖnokwalí nde mlí bláa mbéɛ, Bulu ɔbétalí sí lakpan purú abususu kugyíku kíe nyankpusa. ²⁹ Táme ní ɔku ɔblí abususu Ɖɣe Wankíhé amu iwí á, Bulu méesikíe mu ekekekeke, tsúfé alabwé lakpan ání sikíe ma mú iwí.” ³⁰ Aha aku beblí bee, ɔɣe laláɣe bú Yesutɔ. Mú su ɔde íni blí ní.

Yesu Abusuanfɔ Onutó

(Mateo 12:46-50; Luka 8:19-21)

³¹ Yesu mu yin mua mu apio beba belí kpankpá, bɔwa ɔku bee, ɔtí mu ha amú. ³² Ɖɔɔm butsie bomlí mu, bebláa mu bee, “Fú yín mua fú apíó bulí kpankpá, buɔe fú dunká.”

³³ Múú Yesu léfité amú ɔbéɛ, “Amendí gyí mí yín mua mí apíó?” ³⁴ Múú ɔleki ahá amúú butsie bomlí mu amu, blí ɔbéɛ, “Mlíki, mí yín mua mí apíó gyí ahá ánfí á! ³⁵ Ɖhagyíɔha ání ɔtɔbwé Bulu apé a, muɣyí mí pío purú mí yín ní.”

4

Atɔ-abí Owunyápu Iwí Yébi

(Mateo 13:1-9; Luka 8:4-8)

¹ Yesu létrá kusú yó ɔde atɔ suná Galilea ɔpu ɔnɔ eke ɔku. Ɖɔɔm amu bobomlí mu. Mú su ɔlɔdu wíe ɔklɔntɔ, yétsiá

ɔpu amusu, ahá ámu é bulí ɔpu ɔnó unu. ² Inu olosuná amú ató tsɔtsɔtsɔ ayébito ɔbéé,

³ “Mlinu! Ɔɔɔɔɔpu ɔku lóyo ató-abí owunyákpa. ⁴ Bréá ɔde mú wunyáa a, iku lɔwulí ɔkpatɔ, mbubwi beba bɔtswetswée mú fée. ⁵ Iku é lɔwulí abutású, ɔtínéá isi kpalobí dun. Ilowa ɔsa kwe, ⁶ táme bréá owí lelun a, ulɔtɔ mú mó, tsúfé mú nlín mɔyo ɔtótó. ⁷ Abí ámu ku lobun awutɔ, awu ámu lɔbulá kítá mú, imedan. Mú su imoswie abí. ⁸ Táme abí ámu ku é lɔwulí ɔsulúw wankláánsú, ulɔkwe, dan, swie abí, iku advasa (30). Iku aduesie (60), iku é lafa (100).”

⁹ Inu ɔlɔmɔ mú ɔnó ɔbéé, “Ɔhá ání ɔbu asu onúu!”

Tóá Svá Yesu Lótɔí Ayébisu

(Mateo 13:10-17; Luka 8:9-10)

¹⁰ Bréá ilesi Yesu mua sumbí ayɔpú dúanyɔ ámu pú ahá kpalobí akvá bubuo mu a, bobwíí ipa há mu beé, ɔlé yébi anfi asi suna amú. ¹¹ Mú ɔlebláa amú ɔbéé, “Mli mú á, Bulu lahá mli ɔkpa ɔbéé, mlibí mu iwígyí ámu iwi asun ŋáinhé. Táme nde aha bambá asún bláa ayébisu,

¹² ‘méni bówun láwun,
táme buméebi mú.

Bónu lánú,
táme bumóonu mú asi.

Ní megí alí tekí bédamlí klɔntɔ,
Bulu obési amú lakpan kíé amú.’ ”

Ató-abí Owunyápu Yébi Amu Asi

(Mateo 13:18-23; Luka 8:11-15)

¹³ Mú Yesu léfité amú ɔbéé, “Ní mlimónu yébi anfi asi á, mú nkáli mlóbwe asa mlónu tráhe fée asi? ¹⁴ Ató-abí ámú owunyápu amu déwunyáa amu gyí Bulu asún ámu. ¹⁵ Abí ámú lɔwulí ɔkpasu ámu gyí ahá ámú benyá nú Bulu asún ámu alí Ɔbunsám labelé mú lé amú klɔntɔ náti ámu. ¹⁶ Abí ámú lɔwulí abutású amu gyí ahá ámú bonú asún ámu pé, bahɔ mú ansigyísú, ¹⁷ táme íniá buma nlín su

á, asón ámu itamatsiá amótó yó. Mú su ní budin amúsú ntée iwiasun ku itó amó asón ámu su á, unnu butedida. ¹⁸ Abí ámúbú ilòwulí awutò ámu gyí ahá amúbú bonú asón ámu a, bahò mú, ¹⁹ táme òyí ánfutò atò hiánhe iwi gywúin, pú mótó atonyahé iwi ònsípe tegyi asón ámusu. Iní su butamaswíé abí. ²⁰ Abí ámúbú ilòwulí òsulúw wankláánsú amu gyí ahá amúbú bonú asón ámu a, butegyi músú. Iní su itehá butòbwé yilé fè alíá ató-abí ámu loswie, iku advasa (30), iku aduesie (60), iku é lafa (100) ámu.”

Okandíe Iwi Yébi
(Luka 8:16-18)

²¹ Yesu léfité amó òbéé, “Butonywé okandíe pú olò bun músú, ntée púwá mpá ayasi? Megyí òfuákpá butòpúbian? ²² Tòtò ma unvá ibéjain, iméelun òwan. Asun òjainhé kuku é uma unvá buméebi mú. ²³ Ohagyísha aní òbu asu onúu!”

²⁴ Múbú òleblí òbéé, “Mliyaa asu wankláán mli asón-nutó. Itóá mlòpúsusu ha mli aba á, mú kén Bulu òbòpúsusu mú wankláán, lápú iku tsíá mótó há mli ní. ²⁵ Tsúfè òhá aní odekléá obónu mí atosunáhé amu asi á, Bulu òbòpu iku tsíá mótó há mu. Táme òhá aní omedékléá obónu mú asi á, Bulu òbòswí mu kpalobí ámúbú alabí ámu kóráá.”

Oyí-ibíá Idedáan Iwi Asón

²⁶ Yesu létrá blí òbéé, “Bulu iwíegyi amu igyi fè alíá òha todú oyí-ibí mu ndòtò. ²⁷ Ní owí itá á, òhá ámu tekledi. Ní òyí ike a, òtelákúsú, táme omeyín alíá itòbwé asa oyí-ibí ámu itòkwe dan. ²⁸ Òsulúw onutó tehá mú tòkwe. Itegyankpá lé ate, wá ntswítswí, asa itòbòbwe abí onutó. ²⁹ Táme ayó ámu inyá bli pé, òdòpu amu latsú mu òdayí òyétun mú, tsúfè mú tìnbì lafun.”

Takyí-akpin Ibí Yébi
(Mateo 13:31-32, 34; Luka 13:18-19)

³⁰ Inu Yesu léfité ðéé, “Ntə Bulu iwíegyí ámu ləlian? Ntéé yébi məmu nópusuná alí igyi? ³¹ Igyi fé takyí-akpin ibí. Múgyí túkúríibi nyí-abító féé ní. ³² Táme ní idan a, itəbwé ifá fúáhé dun ifá kugyíku. Mú abámbi tekpíkpli, mbubwi butogyónká mú asi.”

³³ Oletsiá pú ayébi anfi odu tsətsəətsə súná amó ató, yófun alí ahá ámu bétalí nú mú asi. ³⁴ Əmebláa amó asún kukvá imegyí ayébi ələputóí. Táme ní isí mva mu akasípú nkule a, ətelé tógyító asi.

Atsufú Asibá

(Mateo 8:23-27; Luka 8:22-25)

³⁵ Alí eke ámu ntúpwesw á, Yesu lébláa mu akasípú ðéé, “Mliha afa Galilea əpu yə mú əbun!” ³⁶ Mú bowie əkluntə, akasípú amu beplá mú, benatí sí ədəm amu. Nklun bámbá ku é lobuo amú. ³⁷ Afú kponkponkponku ku lówa tsúun bi. Mú sw ntsu dēda wíé əklun amutə, ideklé ime. ³⁸ Táme Yesu mú ŋélín sumuesw əklun amu əma ədedidi. Akasípú amu betsinkí mu. Mú befité mu be, “Osunápú, íniá anidé ntsu wie á, fomotsu kukv lé mótó?”

³⁹ Inu Yesu lókusú lé ənó wa afú ámu, əlebláa əpu amu ðéé, “Kpa ənó bun! Di díín!” Inu afú ámu lési tsúun, inu féé ləlvá. ⁴⁰ Mú əlefité amú ðéé, “Ntogyi sú mlidé ifú nya alí? Mlumá hógyi?”

⁴¹ Ifú lehie kítá amó, befité aba be, “Nyankpusa əməmu ni, afú mba ntsu kóráá tonú mu əme alí?”

5

Əŋe Laláhe Gyáa Le Ogbedéputó

(Mateo 8:28-34; Luka 8:26-39)

¹ Bréá Yesu mva mu akasípú amu bowie Galilea əpu amu əbun Gerasefo* əsolúsw á, ² olenya kplí dáli əkluntə alí, oyin

* ^{5:1} Gadarafo bu nwuló dada amu akutə.

ɔkúá ɔɛ laláɛ bu mutɔ lédalɔ tsu afúli opulákpá befia mu.
³ Oyin ánfɔ lapú afúli opulákpá unu bwé mu otsiákpá. Ɖhíé ɔbu iɣn. Mú su ɔhaa tamatráa talí bwé mu otsia díín, ntéé wá mu ikan. ⁴ Tsúfé tekɔ betsiá wá mu ayabi pú mu ibi ikan, táme oletsia tun mú, bíábía ikan amu tsálífwí. Ɖhaa é má ɔwunlín ání ɔbétalí pón mu. ⁵ Ekekegyíeke ɔpa múa onyé féé á, ɔbu afúli opulákpá unu múa abusu, ɔde okitikíti, ɔɔpɔ abwi tsantsan iwi.

⁶ Olenya wun Yesu sísí alɔ, ɔlesrí yéda akpawunu mu ayabitɔ. ⁷ Mú ɔlɔsurá okitikíti kóklókúú ɔbéé, “Ɖsúsúsú Bulu mu Bi Yesu, amansu igyi? Tanu Bulu ání fɔméesɔpítí mí atól!” ⁸ Ɖleblí asón ánfɔ, tsúfé Yesu lébláa mu ɔbéé, “Ɖɛ laláɛ, dalɔ oyin ánfɔtɔ.”

⁹ Inu Yesu léfité mu ɔbéé, “Nkálɔ butetí fú?”

Ɖlele mú ɔnó ɔbéé, “Mí dá gyí, ‘Ɖɔɔm’, tsúfé anihíé anɔ tsó.” ¹⁰ Inu ɔɛ laláɛ amu beɛie kókóli mu beɛ, ɔmágya amú lé Gerasefɔ ɔsulúv amusu.

¹¹ Mprákuo tsɔtsɔɔtsɔ aku budegyí okúku kusu unu fún.
¹² Ɖɛ laláɛ amu bokokóli mu beɛ, ɔhá amú abuyowie mprákuo ámutɔ. ¹³ Mú ɔleha amú ɔkpa. Bedalɔ oyin ámutɔ yówie mprákuo ání bóbwe fé mpím-anyɔtɔ (2,000). Amú féé besrí kplí okúku ku wíé ɔpɔ amutɔ, wúwu.

¹⁴ Mprákuo ámu akpapú besrí yéblí asón ánfɔ ilaba anfi awúlusu pú nkudasi féé. Ahá bedalɔ beɛ beba beki tóá ilaba. ¹⁵ Bréá beba bowie Yesu wá á, bowun ání oyin ámúú ɔɛ laláɛ betsiá mutɔ ámu ansító ladí, alawá atadie otsie. Ilówa amú ifú. ¹⁶ Ahá ámúú bowun tóá ilaba oyin ámúú tekɔ ɔɛ laláɛ tsie mutɔ ámu pú mprákuo ámusu ámu bebláa amú tóá ilaba féé.

¹⁷ Inu bokokóli Yesu beɛ, ɔdálɔ amú ɔsulúsv.

¹⁸ Bréá olowie ɔklɔn amutɔ á, oyin ámúú tekɔ ɔɛ laláɛ tsie mutɔ ámu lókokóli mu ɔbéé, ɔhá amubuo mu natɔ.

¹⁹ Táme Yesu méha mu ɔkpa. Mboún ɔlebláa mu ɔbéε, “Yinki yɔ fú apíó wá wóyító, afuyebláa amú ito yiléá aní Wíε Bulu labwé há fú, pú alíá alawun fu nwe.”

²⁰ Mú sv oyin ámu lénatí tsuntsun, ɔde ito yilé ámú Yesu labwé há mu blí Dekapoli† awúlu amu féeétó. Ɔnó lobwie ahá ámu féeé.

*ɔhandε Ɔkv Mu Bi Mva Ɔtsi Ɔkv Ilo Tsa
(Mateo 9:18-26; Luka 8:40-56)*

²¹ Yesu léla fá ɔpu amu yó mú ɔbun. Bréá ɔbu ɔpu ɔnó unu á, ɔɔm kɔnkrɔnkrɔnti beba bobomlí mu. ²² Inu Yudafo ofiakpa ɔhandε ɔkvá butetí mu Yairo léba unu. Bréá olowun Yesu a, ɔleda akpawunu mu ayabitɔ, ²³ kókóli mu ɔbéε, “Mí bí tsíhé déwu. Ba, afubɔpu ibi dinka musu, mu awútó iwa mu ɔnlun, onya nkpa.”

²⁴ Múú mva Yesu benatí bɔyó á. Ɔɔm kɔnkrɔnkrɔnti beklá buo mu, kpá pútá mu.

²⁵ Ɔtsi ɔkv é bu ahá ámutɔ, obugya de mu wulí nfí dúanyɔ ní. ²⁶ Alahíε wun ipian ilo atsapú tsɔtsɔtsɔ ibitɔ, húli mu iwisu ató féeé, táme ilo ámu imekálá bwé mu. Iyin idewa tsía. ²⁷ Bréá ɔtsi ánfí lónu Yesu nka á, ɔlɔtsun yɔ mu ɔma, fifítíwie ɔɔm amutɔ yópu ibi da Yesu atadiε. ²⁸ Tsúfé ɔleblí wá mu nwuntɔ ɔbéε, “Ní nɔpú ibi da mu atadiε kpán á, ilo ámu ibési mí.”

²⁹ Olenya pú ibi da mu atadiε ámu alí, obugya amu léka itin. Olonu mú nka mu awútó ání ilo ámu lasí mu. ³⁰ Inu Yesu lónu mú nka mu awútó mu é ání ɔhé kv ladáli mutɔ. Inunv ɔledamlí kɔ ɔɔm amu, ɔlefíté amú ɔbéε, “Ma lápú ibi da mí atadiε?”

³¹ Múú mu akasípú amu befité mu beε, “Fú onutó fawun ání ɔɔm bakpá pútá fu. Múú fotráa fudefité fεε, ‘Ma lápú ibi da mí?’ ”

† 5:20 Dekapoli asɔ gyí awúlu dú.

³² Yesu lówa ansí ki amótó fée, òde òhá ání òlòpò ibi da mu dunká. ³³ Ifú lékitá òtsi ámu. Mú sv òlòwa kpínkí kpakpakpa bi, tsúfè oyin itá alanyá. Inu òleba beda akpawunu Yesu ayabito, bláa mu ònòkwali amu fée. ³⁴ Yesu lébláa mu òbée, “Mí bí, fú hógyi lahò fu nkpa. Nati iwilwiito. Fú ilo ámu ita.”

³⁵ Bréá Yesu bu músú òdetáí á, aha aku botsu offiakpa òhande amu wóyító ba bebláa mu bee, “Òhande, fú bí tsíhé ámu òdikpa mówa alé. Mátepi trá wa osunápó tó.”

³⁶ Yesu mékplá asún amú budeblí ámu. Mboún òlebláa mu òbée, “Mánya ifú. Fú mú hogyi wule.” ³⁷ Yesu méha òhaa òkpa obuo mu òn Petro pú Yakobo mua mu pio Yohane nkòle. ³⁸ Bréá bowie òhande amu wóyító á, Yesu lówun ání ahá babúlá unu, bu desú, bu òokitikí. ³⁹ Olowie unu fité amú òbée, “Ntogyi só mlidé ipian wúun, mlidé òokitikí alí? Otsibi amu mókówú, didí òde.”

⁴⁰ Ahá ámu bómási mu. Múú olegya amú fée dáli ba wunsiné, òlekpa obí ámu akwípú pú mu akasípú amú búbuo mu amu bebitíwíé obu amú òtsibi amu da mótó ámutó. ⁴¹ Inu òlekítá kebi ámu ibi, bláa mu amú òblító òbée, “Talita Kuum!” (Mú así gyí, “Obitebí, kusò!”)

⁴² Inu òlòkúsú òna. (Otsibi amu lahò nfí dúanyò.) Ilobwie ahá ámu fée ònó dáfá. ⁴³ Múú òle da amú òlá kínkínkín òbée, bumábláa òhaa asún ánfí. Inu òlebláa amú òbée, buháa kebi ámu ató ogyi.

6

Bumàhò Yesu Mu Wúlutò (Mateo 13:53-58; Luka 4:16-30)

¹ Yesu mua mu akasípú bedali òmá ámutò yínkí yó mu wúlutò. ² Òkpónú òdaké lenya fun alí, òlòyò òde ató suná Yudafo offiakpa. Mu atosunáhé leha ònó lobwie ahá tsòtsòtsòá bonu mú. Mú sv befité aba bee, “Nkónú olenya nyánsa múa ofúlábwe túmi ánfí é tsú? ³ Megyi ató osrépú

amu ni. Megyí mu yin gyí Maria, mu apio yinhé gyí Yakobo, Yosef, Yuda pú Simon? Yéé ania mu apio tsihé é tsie nfi á?” Benya ɔbló musu.

⁴ Yesu lébláa amú ɔbéé, “Ahá butobú Bulu ɔnósó ɔtáírú ɔtínegyíɔtíné, táme mu wúlutɔfɔ, mu abusuanfɔ pú mu wóyító ahá mú butamabú mu.”

⁵ Íniá bumɔhɔ mu gyi su ɔmetalí bwé ofúla kuku, dun ahá kpalobí akusu ɔlɔpu ibi dínká, tsá amú ilɔ. ⁶ Ilɔwa mu ifú ání bumɔhɔ mu gyi.

*Akasípú Dúanyɔ Ámu Sumbíwa
(Mateo 10:5-15; Luka 9:1-6)*

Yesu léki nkuda áni ibu bomlí unv asɩ, ɔde ató suná. ⁷ Unv ɔleti akasípú dúanyɔ ámu ba mu iwɩ wá. Múú ɔlɔwa amú sumbí abanyó-abanyó. ɔleha amú túmiá bópu gyi ɔhe laláhesu. ⁸ ɔleɔda amú ɔlá ɔbéé, “Mlumátsu tɔtɔ kítá yó ɔkpa ámu, dun mli oyi yíáhé! Mlumátsu atogyihe ntéé akpankogyo, ntéé kóba kítá! ⁹ Mliwa ntukota, táme mliumátsu atadiɛ nyɔɔsi kítá! ¹⁰ Wóyígyíwóyíá mɔsɔwíí mútó á, mliɩsia unv yófun bréá mlédali wúlu amvɔ. ¹¹ Ní mɔyó wúlu kusu, bumɔhɔ mli, ntéé bumekleá bónu mli atosunáhé, mliɩdédali mútó mɔyó á, mliɩkpakpa mli ayabitɔ-ɩsi wuli unv, isuna ání bumebi bwé.”

¹² Mú su bɔyɔ yéda asún ámu ɔkan beɛ, ahá budámli klvntɔ. ¹³ Begya ɔhe laláhe tsɔtsɔɔtsɔ lé ahátɔ, bekpa alɔpu tsɔtsɔɔtsɔ é ofobí, tsá amú ilɔ.

*Asú ɔbɔpú Yohane Lowu
(Mateo 14:1-12; Luka 9:7-9)*

¹⁴ Galilea ɔmású ogyí pú Herode lónu Yesu iwɩ asún ánfɩ, tsúfɛ mu idayilé de ɔtínegyíɔtíné. Aku buɔɔblí beɛ, “Asú ɔbɔpú Yohane lákúsú tsú afúlitɔ. Mú sù, ɔde ofúla anfi odu bwe ní.”

¹⁵ Táme aku é beɛ, “Bulu ɔnósó ɔtáírú dada Elia ní.”

Aku é bee, “Bulu ɔ́nɔ́sú atɔ́ipú dada amvɔ́ ɔku ní.”

¹⁶ Bréá Herode lónu asón ámu a, ɔ́leblí ɔ́béé, “Yohane amúv néha betin amv látsínkí tsú afúlitɔ́.” ¹⁷⁻¹⁸ Herode léha bekítá Yohane, wá mu ikan, pú mu wá obu. Tsúfée oletsíá bláa Herode ɔ́béé, mbla meha ɔ́kpa ání obétsíá mu pio Filipino mu ka Herodia amúv otsia amv.

¹⁹ Mú sv Herodia lóhɔ́ Yohane asón wá iwitɔ́. ɔ́lɔ́bwe agywun ání ɔ́bómɔ́ mu, táme ɔ́metálí, tsúfée Herode méhá mú ɔ́kpa. ²⁰ Herode yin ání Yohane asón da ɔ́kpa, ogyi ɔ́ha wankíhé. Mú sv olenya mu ifú, ɔ́leki musv wankláán ání tɔ́tɔ́ mɔ́ɔ́bwe mu. Ibv mótóá Yohane ason blíhé tetan Herode, táme otekle mú nu.

²¹ Tóá Herodia dédunká léba ha mu. Eke ɔ́kúá Herode dé mu ɔ́kwíké gyí a, ɔ́lɔ́tswi ɔ́púnú, tí ahande pú isá akɔ́pú dehen pú Galileafɔ́ ahande ba ató ámu ogyíkpa. ²² Bréá Herodia mu bi tsíhé lóbowie ɔ́buntɔ́ tsa a, ulɔ́wa Herode mua ahande amv fée ansigyí. Herode lébláa mu ɔ́béé, “Fite mí tógyítóá fudeklé, néha fú.” ²³ Inu ɔ́leka ntam há mu ɔ́béé, “Néha fú tótógyítóá féfíté mí. Ní igyi mí iwíe ogyíkpa ifun kóráá.”

²⁴ Otsibi amv lédalɔ́ yéfíté mu yin ɔ́béé, “Ntɔ́ nfíte?”

Mu yin lébláa mu ɔ́béé, “Fite Asú ɔ́bɔ́pú Yohane nwun.”

²⁵ ɔ́sasv otsibi amv léba bebláa Herode ɔ́béé, “Ndekléá fupú Asú ɔ́bɔ́pú Yohane nwun dinka ulínsú ha mi sésééséi.”

²⁶ Asón ámu léhiɛ han owíe amv, táme mu ntam amúv ɔ́leka, pú ahá amúv bubv inu ámu sv á, omekleá ɔ́bótun ntam amv. ²⁷ Inunv ɔ́lɔ́wa mu ahá ɔ́tínpu ɔ́béé, ɔ́yétun Yohane nwun ba mu. ɔ́lɔ́yɔ́ yétun Yohane nwun obu ɔ́dikpá inu. ²⁸ Múv ɔ́lɔ́pu nwun ámu dínká ulínsú ba otsibi amv, mu é ɔ́lɔ́pyáa mu yin Herodia. ²⁹ Bréá Yohane akasípú bonu asón ánfí á, beba botsu mu satin yópulá.

Ahá Mpím-nu Atogyihe Ha

(Mateo 14:13-21; Luka 9:10-17; Yohane 6:1-14)

³⁰ Yesu sumbí ayɔpú ámu beyinkí bá bebláa mu atóá bayóbwe pú múbá bayósuná fée. ³¹ Mú ɔma a, ahá buna amú wá alu, bumenyá ɔkpa gyi ató kúráá. Mú su ɔlebláa amú ɔbéε, “Mliha ayɔ itsétó fléén, ayɛda ɔkpónú.” ³² Inu bowie ɔkluntɔ, pú ɔkpa ɔyó itsétó ɔtineku.

³³ Táme ahá tsɔtsɔtsɔ bowun amú, bí ɔtínéá ɔyó. Mú su botsu awúlu ámu féesú, tsíí ɔsrí gyankpá yówie ɔtíné amú Yesu aná ɔyó ámu. ³⁴ Bréá Yesu lékplí dálɔ ɔklun amutɔ, wun ɔɔm kpɔnkpɔnkpɔntɔ ámu a, amú asún lɔwa mu nwe, tsúfé bugyi fée akúfa ání buma ɔkparú. Mú su olusuná amú ató tsɔtsɔtsɔ. ³⁵ Owí lɔpɔn a, akasípú amu beba mu wá bebláa mu beε, “Itsétó nfi gyí, owí é latá. ³⁶ Ha amú abuyo nkuda múbá awúlu ání ibu bomlí nfi asɔ yodunká tɔku gyi.”

³⁷ Táme Yesu léle mú ɔnó ɔbéε, “Mlidunka ató ha amú abugyi.”

Múú befíté mu beε, “Abétalí nyá sika* hɔ ató há ahá ánfɔ fée bégyi?”

³⁸ Yesu léfíté amú ɔbéε, “Bodobodo apin afɔnɔ mlibu? Mliyo amliyeku!”

Beyinkí bebláa mu beε, “Bodobodo apin anu pú ntsutso iye bwáhé anyɔ bu unu.”

³⁹ Yesu lébláa amú ɔbéε, “Mliha amú abutsiatsia ífá bɔbwe amusu.” ⁴⁰ Betsiá asɔ akúsú-akúsú, aku lafa (100), aku é aduenu (50). ⁴¹ Inu olotsu bodobodo anu pú ntsutso iye bwáhé anyɔ ámu. Múú olotsu ansɔ fúbá kí ɔsúsú, ɔleda Bulu ipán. Inu olebiabía bodobodo amu há mu akasípú amu ɔbéε, buyée ha amú. Oleye iye bwáhé anyɔ ámu é há amú, bɔpuhá ahá ámu. ⁴² Amú fée begyi mwe sian. ⁴³ Akasípú amu bɔtɔsí bodobodo múbá iye sianhe amu a,

* 6:37 Sika ánfɔ igyi sika futútú lafa-anyɔ (200), igyi ɔha nke lafa-anyɔ (200) ikóká.

ilobulá alakpá dúanyo. ⁴⁴ Ayin ání begyi ató ámu nkule bugyi mpím-nu (5,000).

Opusu Natí

(Mateo 14:22-33; Yohane 6:15-21)

⁴⁵ Benya gyi ató ámu tá alí, Yesu lébláa akasípú amu obéé, bowié okluntó abugyankpa fa opu amu yo Betsaida wúlutó. Mu mú olesin oma sí odóm amu okpa. ⁴⁶ Bréá olesi amú okpa tá á, olodu yó busu yóbó mpái. ⁴⁷ Bréá owí leta, oklun amu lawíé ntsu nsiné á, ilesi Yesu nkule ibu ámuvu. ⁴⁸ Inu olowun ání oklun amu plá de onlun wa wá akasípú amu, tsufé afú kponkpontí detsúvn fia amú. Bake-bake a, Yesu lénatí ntsu ámuvu ayabitó buo amú, odeklé otsun amúsú. ⁴⁹ Táme bréá bowun mu a, bukí beé, fúli ogyi. Mú su bəsvrá okitikíti. ⁵⁰ Opúni letsíí amú fée.

Táme olwa oša bláa amú obéé, “Mliwa klun. Mí ní. Mlumánya ifú.” ⁵¹ Múú olodu wíé oklun amutó, afú ámu leka itin á. Asún ánfí lówa amú wánwan. ⁵² Amú kluntó-odwin su buməkúnyá nú bodobodo iwí asún ámu así.

Genesarefó Alópu Tsa

(Mateo 14:34-36)

⁵³ Yesu mua amúnyc bəfa opu amu yési Genesaret osubúnó, bəwa ofé kítá oklun amu. ⁵⁴ Benya kplí dálí oklun amutó alí ahá bowun Yesu, bí mu otsáwvle pé. ⁵⁵ Mú su besrí yótsu amú alópu súrú akpasu, tsú ntíné-ntíné bətu mu inu. ⁵⁶ Otínegyíótínéá Yesu lóyc, igyi wúlutó ntée akuda ó á, bəpu amú alópu bətswi brənvu, kókóli mu beé, ohá alópu amu abupu ibi da mu atadié odanú kpán. Amúá bəpu ibi da mú fée benya ulotsá.

7

Atutifó Amándíé

(Mateo 15:1-9)

¹ Farisifō pú Mose mbla asunápú aku botsu Yerusalem ba befia Yesu wá. ² Múb bowun ání mu akasípú amu aku buməfwí ibi amándíé əkpasu asa bude ató gyí.

³ (Tsúfé Yudafo, títriu Farisifō buməkúsí amú anáin amándíétó. Mú su ní buməkúfwí ibi amándíé əkpasu á, butamagyi ató. ⁴ Alí kén ní buməkúgyúra iwí á, butamagyi tóá bəpútsúa bíású ba ni. Amándíé bámbá ku aná é bu unu, butráa bude mótó tsú nwe núu ntsu, nló pú nlanka iwí.)

⁵ Mú su amúba Mose mbla asunápú befité Yesu bæe, “Ntogyi só fú akasípú amu butamagyi aní anáin amándíésú, buməfwí ibi amándíé əkpasu asa abugyi ató?”

⁶ Yesu léle mú ɔnó ɔbée, “Ɔnəkwalí Bulu ɔnósú ɔtəípú Yesaia léblí tswí tsú mlí apinabwebí abwepú ánfí iwí ɔbée,

‘Ahá ánfí budepv amú ɔnó bú mí,
táme amú klun bu ifó mí wá.

⁷ Kpaali bude mí sum,
tsúfé basí Bulu mbla tswí,
yó bude anyánkúsa mbla suná.’

⁸ “Mlilasí Bulu mbla ámu tswí, mlidé mlí anáin amándíétó.”

⁹ Inu ɔlebláa amú ɔbée, “Mlilapina si Bulu mbla ámu tswí nyánsatə, méní mlégyi mlí onutó amándíésú. ¹⁰ Tsúfé Mose lówanlín wá Bulu mbla ámutə ɔbée, ‘Bu fú sí mu fú yin.’ Ɔletrá wanlín ɔbée, ‘Ní ɔku léblí asv̀kpan tsú mu si ntée mu yin iwí á, bumóo mu.’ ¹¹ Táme mlí mú mlíaa, ɔha ɔbétalí bláa mu si ntée mu yin ɔbée, ‘Tóá tekí nópohá fú á, napúbwé Koban.’* ¹² Mlilahá ahá bumédé tətə bwe há amú akwípú. ¹³ Mlí anáin amándíé su mlitráa mlumédé Bulu mblasu gyí. Ntobí tsətsətsə é bu unvá mlitráa mlidébwe tsía ínítə.”

* 7:11 Koban ast gyí, napúkíé Bulu.

Τόά Ιτəkπóι ɔha Bulu Ansító

(Mateo 15:10-20)

¹⁴ Yesu létrá ti ɔdɔm amu ba mu iwí wá, ɔlebláa amú ɔbéε, “Mli fée mliyaa asv amlinu íni asi! ¹⁵⁻¹⁶ Megyí tóá ɔha tegyi tókπóι mu Bulu ansító. Mboún móá itedáli tsu mu ɔnó.†”

¹⁷ Bréá ɔlenatí sí ɔdɔm amu yó wóyító a, mu akasípú amu befité mu yébi anfi asi. ¹⁸ ɔlele mú ɔnó ɔbéε, “Mli é mlitamanú asón asi? Mluméyín ání tóá itowíé ɔha ɔnó tamakpóι mu Bulu ansító? ¹⁹ Tsúfé megyí mu klvnto itowíé, mboún mu iputo itowíé, ɔteyéle mú wá ɔkpvnto.” (Yesu léle mótó púsúná ání atogyihe kugyíku iwí letin.)

²⁰ Inu ɔlebláa amú ɔbéε, “Τόά itedáli tsu ɔha klvnto tókπóι mu Bulu ansító. ²¹ Tsúfé ɔha klvnto ágywuun laláhe kugyíku tedáli tsu. Mútehá mu ɔtɔwá atsi mba ayin asón, ɔtowí ató, ɔtɔmó ɔha, ɔtɔtó mbua, ²² ɔtɔwá ɔnsipe, ɔtɔbwé laláhe, ɔtemlé ahá, ɔtɔwá hakpan, ɔtɔwá olu, ɔtetsii ɔha, ɔtotsú iwí, ɔtɔbwé mimlála. ²³ ɔha klvnto, atɔ laláhe anfi fée itedáli tsu. Mútókπóι mu nu.”

ɔtsi ɔkvá Omegyí Yudayin Hógyi

(Mateo 15:21-28)

²⁴ Yesu lénatí inu yó Tiro nsáinto. ɔlvýswuí wóyí kvto. Omedéklé ɔbéε ahá bubú ání maba inu, táme ɔmetalí ηáín mu iwí. ²⁵ ɔηε laláhe bu ɔtsi ɔku mu bi tsihétó. Olenya nú Yesu nka alí, ɔlɔwa ɔsa beda akpawunu mu ayabito. ²⁶ Griikiyintse ɔtsi ání gyí. Bɔkwuí mu Siro Foenike ɔsvlúsv. Olokokóli Yesu ɔbéε, ogyáa ɔηε laláhe amu le mu bi ámutó. ²⁷ Táme Yesu lébláa mu ɔbéε, “Ha nyebí ámu abumwe asa, tsúfé uma aleá fósui nyebí atogyihe púhá akíai.”

† ^{7:15-16} Mótó yée 16 bu nwló dada amu akvto: ɔhagyíɔha ání ɔbu asv, onúu!

²⁸ Ɔtsi ámu léle mú ɔnó ɔbéε, “Owíε, ibu mútó aɩ, táme akíai ání buɔa ɔpúnú ámu así é buɔegyí nyebí atogyihe mpupubiá itekpákpa bun amú ɔpúnúasi.”

²⁹ Múú Yesu lébláa mu ɔbéε, “Fabi lé mú ɔnó. Mú su nati, ɔge laláhe amu ladáli fú bí tsihé ámutɔ.”

³⁰ Bréá ɔtsi ámu lóyɔ wóyító a, olowun ání ɔge laláhe amu ladáli mu bi ámutɔ, alási ɔda mpásó.

Yesu Létsa Isutin Okua Otamatóí Wankláán

³¹ Yesu lénatí Tiro unu yó Sidon yóbomlí kplí ba Dekapoli[‡] awúlu amu nsáuntɔ asa ɔeladú yó Galilea ɔpu ɔnó. ³² Bɔpu isutin oku ba mu, ɔtamatáli tóí wankláán. Bokokóli mu beε, ɔpúu ibi dínka musu. ³³ Múú ɔlekpa oyin ámu ya ifóntó, pú mu asrebi wá oyin ámu asutɔ, olotu atsunó dínká mu osrebisu, púdá oyin ámu ɔdandusu. ³⁴ Inu olotsu ansí fúá kí ɔsúsú, lún ɔhé fú. Múú ɔleblí ɔbéε, “Hefata.” Hebrí ɔblítɔ. Mú así gyí, “Finki.”

³⁵ Inunu mu asu lefinkí, mu ɔdandu é lesankí, ɔlɔtɔí wankláán. ³⁶ Múú Yesu léda ahá ámu ɔlá kpákpáákpá ɔbéε, bumábláa ɔhaa. Táme tsé dúdúúúúá ɔleɔa amú ɔlá á, aɩ kén beɔa asún ámu ɔkan ni. ³⁷ Ɔnó lehiε bwíε amú, beblí beε, “Alabwé tógýító wankláán. Alahá asutin buɔe asún nu, amúmu é buɔetóí.”

8

Ahá Mpím-na Atogyihe Ha

(Mateo 15:32-39)

¹ Nke ámutɔ á, ɔɔm kpɔnkpɔnkpɔnti betrá befia Yesu wá. Amú atogyihe leta. Mú su Yesu létí mu akasípú, bláa amú ɔbéε, ² “Ahá ánfí asún de mí nwe wa. Nde eke sáásí ɔpá bubuo mi. Butráa buma tɔtɔá bégyi. ³ Ní nehá amú bɔpú akún náti bɔyó wóyí á, ansító béyébi amú ɔkpatɔ, tsúfé amótó ako ɔkpa bu ifó.”

[‡] 7:31 Dekapoli así gyí awúlu dú.

⁴ Múú akasípú amu befíté mu beε, “Nkónú abénya atogyihe há ahá ánfí fée bégyi mwe dimbí ánfísu.”

⁵ Yesu léfíté amú óbée, “Bodobodo afíní mlibú?”
Bele mú ónó beε, “Asienó.”

⁶ Yesu léha ódóm amu betsiá ósulótó. Múú olotsu bodobodo asienó ámu, dá Bulu ipán, olebiabía mútó há akasípú amu beye mú há amú. ⁷ Bubu ntsutso iye bwáhé kpalóbí kv é. Yesu lóyulá músú, ólòpu mú é há akasípú amu, beye ha amú. ⁸ Amú fée begyi mwe. Akasípú amu bótási isíanhe bólá alakpá yilé asienó. ⁹ Ahá ámu bóbwe fée mpím-na (4,000), Yesu lési amú ókra. ¹⁰ Inunu mua mu akasípú bódú wíé óklontó ba Dalmanutafó ósulósu.

Farisifó Bodunká Ofúla

(Mateo 12:38-42; 16:1-4)

¹¹ Farisifó bonu ání Yesu laba nu, beba bude mu asún fité. Bebláa mu beε, óbwée osúna pusuna amú ání lélé otsú Bulu wá. ¹² Yesu lólun óhé fú. Múú ólefíté amú óbée, “Ntogyi só mli ndemba-abí mlidé osúna ðunká amliwun? Mbláa mli ónókwali. Mmóóbwe osúna kuku súná mli!”

¹³ Inu ólenati sí amú, yó ðu wíé óklontó, fá ópu ámu yó mú óbun.

Farisifó Pú Owíe Herode Bodobodotu-afá

(Mateo 16:5-12)

¹⁴ Yesu akasípú amu bumekáín tsú bodobodo kítá. Ipin kule pé bu óklun amótó. ¹⁵ Bréá buðin ntsu ámusu báyó á, Yesu léda amú ólá óbée, “Mlíki wankláán Farisifó pú ómású ogyípú Herode bodobodotu-afású.”

¹⁶ Akasípú amu befíté aba beε, “Bodobodo amúú animédé ámu só óde asún ánfí blí lóó?”

¹⁷ Yesu lónu asún ání budeblí. Múú ólefíté amú óbée, “Ntogyi só mlidéblí mlíaa, mlímédé bodobodo? Mú su íklontó bu mli odwin mli é? ¹⁸ Mli ansíbi tamawun ató, mli asu é tamanú asún? Mlitamakáín asúnsú? ¹⁹ Bréá neye

bodobodo apin anu ámu há ahá mpím-nu (5,000) á, isíanhe alakpá afinu mlilótósí?”

Bele mú onó beε, “Dúanyo.”

²⁰ “Bodobodo apin asienó ámú neye ha ahá mpím-na ámu é mé, isíanhe alakpá yilé afinu mlilótósí?”

Bele mú onó beε, “Asienó.”

²¹ Inu Yesu léfité amú obéε, “Imokúwánkí mli kí?”

Ansibi Obwiepú Oku Ansíbi Bwií

²² Yesu mua mu akasípú beba Betsaida wúluto. Aha aku bekpa ansibi obwiepú oku ba. Bobwií ipa há mu beε, apúu ibi da mu, otsa mu ilo. ²³ Yesu lékitá ansibi obwiepú ámu ibi, kpá mu dáli wúlu amuto. Inu olotu atsunó dínká oyin ámu ansibisu, pú ibi dínká musu. Múú oleftité mu obéε, “Fude ató wúun?”

²⁴ Ansibi obwiepú ámu lótsu nwun fúá kí, oleftí obéε, “Nde anyánpósa wúun, táme bugyi fé nyí buna.”

²⁵ Inu Yesu létrá pu mu ibi dínká mu ansibisu. Oyin ámu lóbwií ansíbi kí a, mu ansíbi lawá alé, ode tógyító wúun wankláán nya. ²⁶ Yesu léyinkía mu sísí wóyító obéε, “Nati laa yo wóyí. Mátepi wíε wúlu amuto kóráá.”

Ohá Ání Yesu Gyí

(Mateo 16:13-20; Luka 9:18-21)

²⁷ Yesu mua mu akasípú amu benatí unu bayó Kaesarea Filipi awulusu. Bréá buna okpato á, oleftité amú obéε, “Ma ahá beε nyi?”

²⁸ Bele mú onó beε, “Aku beε, fúgyí Asú Obopú Yohane. Aku beε, Bulu onósú otóipú Elia. Aku é beε, Bulu onósú otóipú amuto oku.”

²⁹ Múú oleftité amú obéε, “Mli é mé? Mlia mígyí ma?”

Petro léle mú onó obéε, “Fúgyí Kristo, (ohá ámú Bulu ladá mu ofúli amu) nu.”

³⁰ Inu oleda amú olá obéε, “Mlimábláa ohaa mí iwí asún ánfu.”

Yesu Iwɔsɩn Pú Mv Lowu Iwɔ Asún Blí
(*Mateo 16:21-28; Luka 9:22-27*)

³¹ Inu Yesu léfi asɩ ɔde asúntó le súná amú ɔbéé, “Ilehián ání mí, Nyankpɔsa-Mv-Bi ánfɩ néhie wun iwɔsɩn tsɔtsɔɔtsɔ. Yudafɔ ahande, Bulu igyí ahapú dehen pú Mose mbla asunápú fée bekiná mí beɛ, megyí mígyí Kristo amv. Bómɔ mí, táme Bulu ɔbélakúsá mi tsú afúlito nkensá ɔma.” ³² Ɖmɔpɔ asún ánfɩ njáín amú. Mú sv Petro létɩ mu ya itsétó yéka mu itin ɔbéé, ɔmátrá blí alɩ. ³³ Inu ɔledamlí kɩ akasípú amv, ɔɔkplún wa Petro ɔbéé, “Satan, natɩ tei mísú! Megyí tóá Bulu dégywíín fudegywíín, anyánpɔsa klé fudegywíín.”

³⁴ Inu ɔletɩ ɔɔm amv pú mu akasípú ba mu iwɔ wá. Múú ɔlebláa amú ɔbéé, “Ní ɔku dékléá obóbuo mi á, osíi tóá otekle bwe, otsu mu oyikpalíhe bobuo mi. ³⁵ Tsúfɛ ní ɔku lépri mu nkpa á, ɔbóhulí mú. Ní ɔku é lóhulí mu nkpa mía Bulu asɩn wankláán ámusv á, Bulu ɔbóhɔ mu nkpa. ³⁶ Ní ɔku onyá ɔyító ató fée, táme ɔhúli mu ɔkláa a, labi mɔmɩ ulɔwa há mu? ³⁷ Ntée ntɔ ɔha ɔbétalí pótse mu nkpa? ³⁸ Tsúfɛ ní ɔku onyá mía mí atosunáhé péli ndemba-abí laláheá badámlí ɔma há Bulu ansító á, mí, Nyankpɔsa-Mv-Bi ánfɩ é nénya mu péli bréá mía Bulu-abɔpɔ wánkíhé amv aniná mí Sí numnyamtɔ abá.”

9

¹ Yesu lóyɔ mu tóisv ɔbéé, “Ɖnɔkwali nde mli bláa. Aku bubv mlitɔ nfi bumóowu, yófun bréá bawun ání Bulu iwíegyí amv una túmisv íbá.”

Yesu Iwɩtsɛɛ
(*Mateo 17:1-13; Luka 9:28-36*)

² Nkensíé ɔma a, Yesu lékpa Petro, Yakobo mua Yohane, mua amúnɔyɔ bɔɔv yó íbv kɩsv amú nkɩle. Inu Yesu létse amú ansító. ³ Mv atadiɛ ledamlí futútúútú, ide ogyá kpa. Tɔtɔ ma ɔsulúv anfisvá íbétalí bwé mú íbófulí alɩ. ⁴ Inu Elia

mua Mose beɛ ɪwɪ ɔwan, amúa Yesu budetɔ́í. ⁵ Múú Petro lébláa Yesu ɔbéɛ, “Osunápú, ɪbu aláá abétsiá nfi. Ha ada abú asa. Fú klé kule, Mose klé kule, Elia é klé kule.” ⁶ Ifú lehiɛ kítá Petro mua mu aba ámu dubi. Mú su omowun asón ání ɔblí.

⁷ ɪnu agyinde ku lobobun amúsú, ɔme ku ledali tsu mótó ɔbéɛ, “Ōni gyí mí Bí ɔdwepó ní! Mliyaa asu amlinu mu asón!” ⁸ ɪnu belaku, táme bumetrá wun ɔhaa dun Yesu nkule.

⁹ Bréá buɛ ɪbu ámu kplí á, Yesu léda amú ɔlá ɔbéɛ, “Mábláa ɔhaa tóá bayówun, yófun ekeá Bulu ɔbókusúa mí, Nyankpusa-Mu-Bi ánfɪ tsú afúlito.”

¹⁰ Asón ánfɪ lesin amú nwuntɔ, betsiá fité aba beɛ, “Kusú tsú afúlito ánfɪ asi mé?” ¹¹ ɪnu befité Yesu beɛ, “Ntogyi sù Mose mbla asunápú amu beɛ, ilehián ání Elia obéyinkí bá asa Kristo amu ɔbéba?”

¹² Ɔléɛ mú ɔnó ɔbéɛ, “Ɔnɔkwali igyi, ání Elia obégyankpá bá bela tógyító yáí wankláán. Mú ntogyi sù Bulu asun wanlínhé amu kén léblí tsú mí ɪwɪ ɔbéɛ, mí, Nyankpusa-Mu-Bi ánfɪ néhiɛ wun ipian, ahá bósúpáa mi?

¹³ Nɛ mli bláa mbéɛ, Elia layínkí bá dodo. Ahá ɔɔbwe mu ahá buɛklé, fé ahá ɔwanlín wá Bulu asón ámutɔ.”

ɪlɔ Dídahe Ɔlɔpú Tsa

(Mateo 17:14-21; Luka 9:37-43a)

¹⁴ Bréá beyinkí bowie akasípú atráhe amu wá á, bowun ání ɔɔm kɔnɔkɔnɔkɔntɪ bafia bomlí amú, Mose mbla asunápú aku buɛ akasípú amu nwéen gyí. ¹⁵ Bréá ɔɔm amu bowun Yesu a, ɪlɔwa amú wánwan, besrí yéfia mu, há mu aye. ¹⁶ Yesu léfité mu akasípú amu ɔbéɛ, “Amansu mliá amúnɔyo mlidébítí?”

¹⁷ Ɔɔm amutɔ ɔku léɛ mú ɔnó ɔbéɛ, “Osunápú, nekpa mí bí yínhé ba fu mbéɛ afutsa mu ɪlɔ. Ɔhe laláhe lahá ɔtamátí. ¹⁸ Brégyíbréá ɔhe laláhe amu ɪba musu á, ɪtɔwúsú mu, fin mu dá ɔsulúto. Mu ɔnó ɔɔbwé afu, ɔtɔwí

ayín, ɔtesínsun. Nebláa fú akasípú mbéé, bɔgyáa ɔhé ámu le mutɔ ha mi, táme bumetalí.”

¹⁹ Yesu lébláa amú ɔbéé, “Ndemba-abíá mlumá hógyi, alí nétsiá mli wá yó ní? Yófun ɔmenke nnyá klun ha mli? Mlikpa kebi ámu ba mi!” ²⁰ Bekpa kebi ámu ba Yesu.

Ɔhe laláhe amu lénya wun Yesu alí, ulɔwɔsúv kebi ámu fun mu dá. Odemináa, mu ɔnó é ide afu. ²¹ Yesu léfité obí mu si ámu ɔbéé, “Tsú bré mɔmutɔ ulɔ ánfí lefi asi?”

Ɔlele mú ɔnó ɔbéé, “Tsú mu nyebitɔ ɔpá. ²² Itɔtswi mu wá ogyá múa ntsu aná féétó, itekleá ibómɔ mu, táme ní fétalí bwé tɔku tsú mú iwí á, wun aní nwe afɔgyi aní buale.”

²³ Yesu léfité mu ɔbéé, “Blí fude fee, ní nétalí? Tógyító lɔpɔn ha ohógyivu.”

²⁴ Inu obí mu si ámu lókplun blí ɔbéé, “Nohogyi, táme mí hógyi mɔtsó. Gyi mi buale, mí hógyi imoní!”

²⁵ Bréá Yesu lówun aní ɔdɔm amu butráa busrí bebá á, ɔlɔkplún wa ɔhe laláhe amu ɔbéé, “Fú ɔdandubiabía múa isutín ɔhé, dali kebi ámutɔ. Mátrá wie mutɔ ekekeke!”

²⁶ Ɔhe laláhe amu lósvrá okitikíti kúklókúv, ulétrá wɔsúv mu nyányányányáa, uldali mutɔ. Ɔhé leta mu. Mú sv ahá ámutɔ aku beblí beé, “Alawú.” ²⁷ Táme Yesu lékitá mu ibi tsú mu fúá, ɔlɔkɔsú líí.

²⁸ Mú ɔma, bréá Yesu mua mu akasípú amu nkule bubu wóyító a, befité mu beé, “Ntogyi só aní mú anumétalí gya ɔhe laláhe amu dáli kebi ámutɔ?”

²⁹ Múv ɔlebláa amú ɔbéé, “Iní odu mú á, nkéti mpá* pé mlétalí púgya mú.”

Yesu Lowu Iwí Asún Blí Otse Nyɔɔsi

(Mateo 17:22-23; Luka 9:43b-45)

³⁰ Bréá Yesu mua mu akasípú amu benatí unv á, bɔtsun Galilea ɔsulúsv, táme Yesu mékléá ɔhaa ɔbí ɔtínéá mubu. ³¹ Tsúfé ɔde akasípú amu ató suná ɔbéé, “Béle

* ^{9:29} Mpáí múa ɔnóklí bu nwolú dada amu akutɔ.

mí, Nyankpusa-Mu-Bi ánfí há adón bómō mí, táme Bulu obélakúsóa mi eke sáásí.”

³² Akasípú amu bumonu mú asi, ifú é de amú ání befité mu.

Ma Obóbwe Zhande?

(Mateo 18:1-5; Luka 9:46-48)

³³ Beba Kapernaum wúluto. Bréá bowie wóyító á, Yesu léfité amú obéé, “Nto nwéen mlidégýí okpatō?”

³⁴ Bekpa onó bun músú, tsúfé ihande budeprú. ³⁵ Yesu létsiá asi, oleti akasípú dúanyō ámu, olebláa amú obéé, “Ní mlto okv dékléá obóbwe mli nkpa ogyápu a, obwée mu iwí oma ogyápu pú mli féé osúmpú.” ³⁶ Inu olekpa kebi okv belú amú ansító, látá mu pútá, olebláa amú obéé, ³⁷ “Zhagyíoha ání oloho kebiá ogyi ali mí dátó lahō mi. Zhagyíoha ání oho mi á, megýí mí oloho, mboún ohá ámú olowa mí ámu.”

Ani Obúopu

(Luka 9:49-50)

³⁸ Yohane lébláa Yesu obéé, “Osunápú, anulówun oyin okv dépu fú dá gya oje laláhe, anuléka mu tin, tsúfé oma anito.”

³⁹ Táme Yesu lébláa amú obéé, “Mlimáka mu itin! Tsúfé ohaa má inuá obóbwe ofúla mí dátó, lábli mí iwí asun laláhe. ⁴⁰ Tsúfé ohá ání omokvsú líí anisu buo aní. ⁴¹ Onokwali nde mli bláa mbéé, ní okv ohá mli ntsu-owebi mlonu, mí dá ání idin mlisu su á, omóohulí mu ipán.

Zha Kpa Wá Lakpantō

(Mateo 18:6-9; Luka 17:1-2)

⁴² “Ní okv léha ahá ánfí bumokúdan mísú hógyito ánfito okv lóbwe lakpan á, ní beda nfúókwebu síán mu ometo, tswi mu wá oputo pó á, ibu alé dun. ⁴³⁻⁴⁴ Ní fú ibi kule téhá fútobwé lakpan á, ka mú le! Ibu aléá fópu ibi kule nyá nkpa ání itamatá, dun ání fópu ibi anyo wíé isubití ogyá

ání itamaduntò.† 45-46 Ní fú yabi kulè téhá fútòbwé lakpan á, ka mú tswi tsalífw! Ibv aláá fòpu yabi kulè nyá nkpa ání itamatá, òun ání fòpu ayabi anyò wíé isubití ogyá ání itamaduntò.‡ 47 Ní fú nsíbi téhá fútòbwé lakpan á, loti mú Ì. Ibv aláá fòpu nsíbi kulè wíé Bulu iwíegyi ámòtò, òun ání fòpu ansíbi anyò wíé isubití ogyá ání itamaduntò. 48 Òtínéá unv anyambi butamawú, unv ogyá é itamadun.

49 “Tsúfè bòpu ogyá tun òhagyíòha iwí, fè aláá butòpú nfólí tun afòdié iwí.

50 “Nfólí bu òdwe, táme ní itá òdwe á, ntò bélapówá mú òdwe?”

“Mliha òdwe itsia mlítò fè nfólí, iwílwí itsia mli mli aba nsuné.”

10

Òkákíná Iwí Atosunáhé
(Mateo 19:1-12; Luka 16:18)

1 Yesu lókusú tsú unv yó Yudea òmátò, Yordan ntsu òbun. Òòòm betrá befia bomlí mu, òletrá suná amú ató fè aláá òtòbwé yái.

2 Farisifò aku beba mu wá, budekiléá bósò mu kí. Mú sv befíté mu beé, “Ani Mbla léha òkpa ání oyin òbétalí kíná mu ka?”

3 Yesu léfíté amú òbéé, “Nkálí ani náin Mose lówa mbla há mli?”

4 Bele mu ònó beé, “Mose léha òkpa ání oyin òwánlun òkákíná òwulú pukina mu ka.”

5 Yesu lébláa amú òbéé, “Mli kluntò-òdwin sú Mose lówanlín mbla ánfí há mli. 6 Tsú bréá Bulu léle òyi á, òtsi múa oyin òlòbwe. 7 Íni sv oyin obótu sí mu si muv mu yin yémantá mu kasu, 8 amú abanyó bóbwe òyulúv kulè ni.

† 9:43-44 Mútó yéé 44 múa 46 belian 48, táme uma nwulú dada amv akutò. ‡ 9:45-46 Mútó yéé 44 múa 46 belian 48, táme uma nwulú dada amv akutò.

Bu tráa bomegyí abanyó, mboún babwé òbakúle. ⁹ Íni su ahá ání Bulu labwé amú ikule a, òhaa mámaín amú abasu.”

¹⁰ Bréa beyinkí ba wóyító a, Yesu akasípó amu betrá fité mu asún tsú asún ánfí iwí. ¹¹ Yesu lébláa amú òbé, “Ní oyin okíná mu ka láyétsiá òtsi bámbá á, alató mbua. ¹² Ali kén ní òtsi okíná mu kulu láyétsiá oyin bámbá á, alató mbua ní.”

Nyebí Yulá

(Mateo 19:13-15; Luka 18:15-17)

¹³ Aha aku bekpa nyebí ba Yesu be, òpúv ibi dinka amúsú, táme mu akasípó amu bowa iyin wá amú. ¹⁴ Bréa Yesu lówun a, òbló lekítá mu. Múv òlebláa akasípó amu òbé, “Mliha nyebí ámu òkpa abuba mí wá. Mlimátin amú òkpa, tsúfé ahá ánfí odu bú Bulu iwíegyí ámu ni. ¹⁵ Ònòkwali nde mli bláa. Òhá ání òmòhò Bulu iwíegyí amu fé kebi á, omóowie mútò.” ¹⁶ Múv òlelatá amú pútá, pú ibi dín dínka amúsú, oloyulá amú á.

Atonyahé Iwí Atosunáhé

(Mateo 19:16-30; Luka 18:18-30)

¹⁷ Bréa Yesu lópv òkpa òyó á, oyin òku lésrí ba beda akpawunu mu ayabito fité mu òbé, “Osunápú yilé, ntò nóbwe asa nénya nkpa ání itamatá?”

¹⁸ Yesu léfité mu òbé, “Ntogyi só fude mí ti òha yilé? Òhaa mégyí òha yilé, nkéti Bulu nkule. ¹⁹ Yé fuyin Bulu mbia ámu dodo? Òbé, mámo òha, máto mbua, máwi ató, máka asún dínká fú bású, másisí òha, bu fú sí mu fú yín.”

²⁰ Oyin ámu lébláa mu òbé, “Osunápú, tsú mí nyebito òpá nde íni féésú gyí.”

²¹ Yesu léki mu díín, mu asún lówa mu òdwe. Múv òlebláa mu òbé, “Ilasí tokukuleá fóbwe. Yefe fú iwíwí ató féé, afuye kóba amu ha ahíánfò, méni fénya siadié òsúsú. Fòbwé mú tá á, ba afubobuo mi.” ²² Bréa oyin ámu lónu

asún ánfí á, ɪwɪ lowu mu. Mú sv ɔlenatí díín, tsúfɛ́ ɔhíé ɔbu ató.

²³ Yesu lékí bomlí, ɔlebláa mu akasípú amu ɔbéé, “Ibéhie wá ɔnlun asa ɪwɪ onyapú obówie Bulu iwíegyí ámutɔ!”

²⁴ Bréá akasípú amu bonu asún ánfí á, ɔnó lobwie amú. Táme Yesu lélabláa amú ɔbéé, “Mí abí, Bulu iwíegyí ámutɔ wie ibéhie wá ɔnlun! ²⁵ ɪlɔpɔn ha kpósó ání ɔbótɔn ɔbun-atɔ ɔbótó, dún ání ɪwɪ onyapú obówie Bulu iwíegyí ámutɔ.”

²⁶ Asún ánfí leha ɔnó lehie bwíé amú. Mú sv befité aba beé, “Mómú ma mee Bulu ɔbóhɔ nkpa?”

²⁷ Yesu lékí amú díín, ɔlebláa amú ɔbéé, “Tóá ɪdɔn nyankpusa bwe mɔdún Bulu, tsúfɛ́ Bulu mú tetálí bwé tógyító.”

²⁸ Múú Petro lébláa mu ɔbéé, “Yéé anɪ mú anɪlasí tógyító tswɪ bobuo fu o!”

²⁹ Yesu lébláa mu ɔbéé, “Ɔnɔkwali nde mɪ bláa. Ɔhagyíɔha ání olesi mu wóyí, mu apíó, mu si mva mu yin, mu abí ntée mu ɔsulúb ɔmagyáa, mía mí ason wankláán ámu sv á, ³⁰ ɔbélanýa mu wóyí, mu apíó, mu ayín, mu abí pú mu agyapadié ámu odu tsé lafa séi. Bédunká musv é séi, táme obénya nkpa ání itamatá bré ámúú ibá ámutɔ. ³¹ Táme agyankpapu tsɔtsɔtsɔ béba bemlí amapu, amapu é béba bemlí agyankpapu.”

*Yesu Lowu ɪwɪ Asún Blí Otse Saasi
(Mateo 20:17-19; Luka 18:31-34)*

³² Yesu mua mu akasípú amu bɔpu ɔkpa bɔyó Yerusalem wúlutɔ, Yesu gyánkpá. ɪlɔwa amú wánwan, ifú lekitá ahá ámúú bubuo amú ámu. Múú ɔlekpa akasípú dúanyɔ ámu ya itsétó, ɔletrá bláa amú tóá ibéba musv. ³³ Ɔbéé, “Mɪnu! Ní awíé Yerusalem a, béle mí, Nyankpusa-Mu-Bi ánfí há Bulu igyí ahapú dehen pú Mose mbla asunápú. Béha mí lowu upón, pú mí wá ahá ání bumegyí Yudafɔ ɪbitɔ. ³⁴ Bóbwe mí ahinlá, tú atɔnó wúlí mí, nwén mí mɪplɪ, mó mí, táme eke sáásí a, Bulu ɔbókusúa mɪ tsú afúlítɔ.”

ᾠανδε Osúm Mv Aba
(*Mateo 20:20-28*)

³⁵ Sebedeo abí Yakobo mua Yohane bəkpukpé mantáa Yesu bláa mv βεε, “Osunápó, anidékléá fubwée təku ha aní.”

³⁶ Múú Yesu léfité amú ɔbéε, “Ntə mlidéklé mliaa mbwée ha mli?”

³⁷ Bebláa mv βεε, “Ha anito ɔkule otsia fú gyɔpɩsu, ɔkule é otsia fú binasv bréá Bulu ɔwá fú numnyam.”

³⁸ Táme Yesu lébláa amú ɔbéε, “Mluméyín tóá mlidékulí! Mlétalí wun iwɔsin ámúú nebá bowun amv, ntée mlétalí wú lowu ámúú nówu ámu?”*

³⁹ Bele mú ɔnó βεε, “Ee abétalí.”

Múú ɔlebláa amú ɔbéε, “Mlówun iwɔsin ámúú nebá bowun amv, wú lowu ámúú nówu ámu é, ⁴⁰ táme mma túmi ání nēle ɔhá ání obétsiá mí gyɔpɩ ntée binasv. Alí otsiákpá anfi mú ida gyo ahá ámúú Bulu lalá unv yáí há ámu.”

⁴¹ Bréá akasípú idú atráhe amv bonu asón anfi á, Yakobo mua Yohane iwɩ lówa amú ɔbló. ⁴² Yesu létɩ amú féé ba mv iwɩ wá, ɔlebláa amú ɔbéε, “Mliyin ání ahá ání butobú amúá bgyi ɔmátófosv agyípu butehíé amú ahá, amú ahande é butenyá túmi amúsú. ⁴³ Táme mlito mú á, umába alí. ɔhá ání odekléá ɔbóbwe mlito ɔhande ɔbwée mli féé ɔkpábi. ⁴⁴ Ní mlito ɔku é dékléá ɔbóbwe mli nkpa ogyápu a, ɔbwée mli féé ɔkpábi. ⁴⁵ Tsúfé mí, Nyankpɩsa-Mv-Bi ánfɩ é mmeba mbée, busúm mí. Ahá osúmkpá neba, ampu mí nkpa hɔ ahá tsətsətsə nkpa.”

Ansibi Obwiepú ɔku llo Tsa
(*Mateo 20:29-34; Luka 18:35-43*)

* ^{10:38} Mlétalí wun iwɔsin ... wú lowu ámúú nówu ámu? Ntée Mlétalí nu ntá neba bonu ntée há bóbɔ mli asú ámúú nebá bəbɔ ámu?

⁴⁶ Boyówie Yeriko wúlutɔ. Bréá mva mu akasípú pú ɔɔɔm kpɔnkpɔɔnkpɔnti á múú bubuo mu amv budɛdalu unv á, bowun Timeo mu bi Bartimeo. Mu ansíbi labwíé, otsie ɔkpato ɔde ató kulí. ⁴⁷ Bréá olonu ání Yesu Nasaretyin amv détsúun a, ɔlɔwa kplún bi ɔbéé, “Ani Wíe Dawid mu na Yesu, wun mi nwe!”

⁴⁸ Amótá ahá tsɔtsɔɔtsɔ bɔkplún wa mu beɛ, ɔkpá ɔnó bun, táme mu mú ɔlɛlakplún dvn ali ɔbéé, “Ani Wíe Dawid mu na, wun mi nwe!”

⁴⁹ Yesu lési líí, ɔlɛbláa amú ɔbéé, “Mliti mu ha mi.”

Bokpolí ansibi obwierú ámu, bebláa mu beɛ, “Fú klvn idí fú asi, afukusu ba. ɔde fú ti!”

⁵⁰ Inu oyin ámu lótswi mu ɔsúsú atadɛ tsálífwí, wáan kusó ba Yesu wá.

⁵¹ Yesu léfité mu ɔbéé, “Ntɔ fudeklé fɛɛ mbwéé ha fu?”

Inu ansibi obwierú ámu lébláa mu ɔbéé, “Osunápú, ha mí anwun ató!”

⁵² Inu Yesu lébláa mu ɔbéé, “Nati, fú hógyi latsá fú ilo.”

Inonv mu ansíbi lobwíí, ɔlekplá buo Yesu.

11

Bɔhɔ Yesu Fé Owíe Yerusalem

(Mateo 21:1-11; Luka 19:28-40; Yohane 12:12-19)

¹ Bréá bowie Betfage mva Betania, awúlu ání ibv Nfɔ-nyíbu ámu* asi, batá Yerusalem wie tá á, ɔlɔwa mu akasípú abanyó gyankpá. ² ɔbéé, “Mliyo wúlu anfí ida mli ansító ánfítɔ. Ní mlowíe wúlu amv ɔnó á, mlówun afrímú kanáhe ɔku da ɔfétó, ɔhaa mókótsiá musu ki. Mlisanki mu, amlíkpa mu ba mi. ³ Ní ɔku ɔfíté mli ɔbéé, ‘Ntogyi sù mli dé mu sankí?’ á, mlibla mu mhaa, ‘Ani Wíe dé mu hián. Obéyinkía mu ba séi.’ ”

* 11:1 Nfɔ-nyíbu igyi obubwí kuá ibv mantáa Yerusalem, butetí mú Olifbu.

⁴ Bọ̀yọ́ á, bọ̀yọ́tu afrímú ibí ámu da ọ̀fétó wóyí ámu ọ̀nó ọ̀kpabáí. ⁵ Bréá buđe mu sankí á, aha akvá bulí unu befité amú be, “Ntogyi sù mludé afrímú ibí ámu sankí.”

⁶ Bele mú ọ̀nó alí ámú Yesu lébláa amú ámu pérépé. Besi amú; akasípú amu besankí mú. ⁷ Bekpa afrímú ibí ámu ba Yesu. Beyaí amú atati dínká musu, ọ̀lọ̀du bian musu. ⁸ Amótó ahá tsọ̀tsọ̀tsọ̀ beyaí amú atati tswi ọ̀kpato, aku é bebiabía afitáa bunbun ọ̀kpa ámusu. ⁹ Ahá ámú bugya Yesu nkpa m̀ba ọ̀ma amu bọ̀sura okitikíti be, “Hosiána! Bulu oyúla ọ̀há ánfí ọ̀bá aní Wíe dátó ánfí! ¹⁰ Bulu oyúla aní náin Dawid iwíegyi ámú ibá ámu! Hosiána bu ọ̀súsú!”

¹¹ Bréá Yesu lówie Yerusalem a, ọ̀lọ̀yọ́ Bulu ọ̀tswékpá, ọ̀lọ̀wa ansí kí tógyító wunsunésú unu wankláán. Owí lapọ̀n. Mú su mu mu akasípú dúanyọ́ ámu beyinkí yó Betania wúluto.

*Pọ̀ntọ́ Oyí Lwí
(Mateo 21:18-19)*

¹² Ọ̀yi kehe bréá beyinkí tsú Betania bebá á, akón de Yesu. ¹³ Olowun pọ̀ntọ́ kvá ilahíe pọ́í sísí, ilí mantáa ọ̀kpa. Ọ̀lọ̀yọ́ yéki be obénya kv mútọ́. Táme olowie mú así á, afitáa sọ̀n bu m̀sú, tsúfé oyí ámu swiebí m̀kúfọ̀n. ¹⁴ Inu ọ̀lebláa oyí ámu ọ̀be, “Tsú nde p̀yá a, ọ̀haa méetrá gyi fú abi swiehé.”

Mu akasípú amu é bonu asún ánfí.

*Ibia Agyípú Gyáa Le Bulu Ọ̀tswékpá Wunsunésú
(Mateo 21:12-17; Luka 19:45-48; Yohane 2:13-22)*

¹⁵ Bréá bowie Yerusalem a, Yesu lóyọ́ Bulu ọ̀tswékpá wunsunésú. Inuun ọ̀lọ̀wa ató afepú pú ató ahópu amu aná f́éé gyáa dali unu bi. Olowuwúta kóba atsépu mpúnú dá, súnúnki abródoma afepú mbíá dá. ¹⁶ Ọ̀meha ató ọ̀fepú ọ̀koku ọ̀sura mu atọ́ fehé ka tsun Ọ̀tswékpá wunsunésú unu kúráá. ¹⁷ Olosuná amú ató ọ̀be, “Bumọ̀wanlín wá Bulu

asun wanlínhé amutò beε, ‘Béti mí ɔtswékpa beε, ɔmá f́éé mpái ɔbɔkpá?’ Táme mlilapú unu mlí awikplu ɔɣaínkpá.”

¹⁸ Bréá Bulu igyí ahapú dehen pú Mose mbla asunápú amu bonu t́á alabwé á, bodunká ɔkpa ání bótsun músú mó mu. Benya ifú, tsúfé mu atosunáhé amu leha ɔnó lobwie ɔdɔm amu.

¹⁹ Bréá owí lɔpɔn a, Yesu mua mu akasípú bedali wúlu amutò.

Hógyi lwi Atosunáhé

(Mateo 21:20-22)

²⁰ Bréá budetsúun nyanki a, bowun ání pɔntɔ oyí ámu ilawú tsú mú ɔsú beyi asi. ²¹ Inu Petro lékaín asún ání Yesu lébláa pɔntɔ oyí ámu. Múy ɔlebláa Yesu ɔbéε, “Osunápú, ki, pɔntɔ oyí ámúú f́alwú ámu ilawú!”

²² Yesu lébláa amú ɔbéε, “Mlihɔ Bulu gyi. ²³ Ɖnɔkwali nde mli bláa, ɔhagyíɔha ání ɔbébláa ibu ánfí ɔbéε, ‘Púli yowie ɔpɔtɔ’, omegyí nwéεn mu kluntɔ, olohogyi ání asún ámúú mablí ámu ibéba mút́ó á, ibópulí yó. ²⁴ Íni su nde mli bláa mbéε, t́ogyít́á mlɔkúlí Bulu á, mlihogyi ání mlilanyá mú dodo. Mli ibi béda mú. ²⁵⁻²⁶ Ní mlilíí mlidé mpái bɔ, ɔku asún bu mli kluntɔ á, mlisi ɔhá ámu lakpan kie mu, méni mli Sí ámúú ɔbu ɔsúsú ámu é obési mli klé kíε mli.†”

Yesu Túmi lwi Asun Fitéhé

(Mateo 21:23-27; Luka 20:1-8)

²⁷ Yesu mua mu akasípú amu betrá yinkí ba Yerusalem. Bréá ɔna odeki Bulu ɔtswékpa wunsinésú unu á, Bulu igyí ahapú dehen, Mose mbla asunápú pú Yudafɔ ahande amu beba mu wá. ²⁸ Befíté mu beε, “Túmi mɔmu f́udepubwé ntobí ánfí? Ma léha f́ó túmi ámu?”

† 11:25-26 Mútt́ó yéε 26 bu nwlú dada amu akutɔ: Táme ní mlímésikíε ahá a, mli Sí ámúú ɔbu ɔsúsú ámu é oméésikíε mli.

²⁹ Yesu lélé mú ònó òbée, “Nfíte mli asun kua kule. Ní mlelé mú ònó há mí á, mí é nébláa mli túmi oduá ndepubwé ntobí ánfí. ³⁰ Bulu wá Asú Òbòpú Yohane lénya túmi pùbó ahá asú lóó, ntée nyankpusa? Mlibla mi!”

³¹ Amó wolewule bəyɔ asún ánfito bεε, “Ní ablí aniaa itsú Bulu wá á, òbéfíté aní òbée, mú ntogyi sù mlimóhɔ mu gyi? ³² Ntée ablí aniaa itsú anyánkpusa wá?” Táme bude ahá ámu ifú nya, tsúfé amú fée bohogyi aní lélé Bulu ònósú òtáipú onutó Yohane gyí. ³³ Mú su bele mú ònó bεε, “Ohwée! Anuméyín otínéá olenya mu túmi tsú.”

Mú Yesu é lébláa amú òbée, “Mú mú mí é mméεbláa mli túmi oduá ndepubwé ntobí ánfí.”

12

Apafo Laláhe Aku

(Mateo 21:33-46; Luka 20:9-19)

¹ Yesu lówa amú asún bláa ayébito bi. Òbée, “Oyin oku lódo wáun ndo. Olegyi iban bómlí mú. Olokwi wáun amu onyimékpá, òlɔpwe obu fúáhé ku há ndo ámu agyópu. Mú òlɔpu ndo ámu wá apafo ibito, olotu okpa. ² Bréá wáun-abí ámu kpótíbi lɔfun a, òlɔwa mu osúmpú apafo ámu wá òbée, òyóhɔ mu ogyíkpa ba mu. ³ Táme apafo ámu bekitá mu, dá mu, gya mu sísí ibikpan. ⁴ Ndo mu wie amu létrá wa mu osúmpú nyɔɔsi amú wá. Apafo ámu beda mu é, pílan mu nwuntɔ, sùpa mu. ⁵ Òletrá lawá òbambá. Mu mú á, bɔmɔ mu. Alí kén bɔbwe atráhe é ní. Beda aku, mó aku é. ⁶ Ilesi mu onutó mu bi okule péá otamatsúlá musu. Òki òbée, bóbu mu mú. Mú su òlɔwa mu é. ⁷ Táme apafo ámu beblí bεε, ‘Óni obégyi mu si ató ní. Mliha amɔ mu, méni ndo ámu ibémlí aní klé.’ ⁸ Mú su bekitá mu, mó mú, tswi mu dálí ndo ámutɔ.

⁹ “Èkéá ndo mu wie amu òbá á, nto mlilahogyi mliaa òbóbwe apafo ánfí? Òbéha bɔmɔ amú. Òbélapú ndo ámu wá

apafɔ bámbá ibitɔ. ¹⁰Ntée mlimókókla Bulu asun wanlínhé amu kí? Bɔwanlín bɛɛ,
 ‘Ibwi ámbú obu ayípu bekiná ámu
 lébemlí okonkísúbwi ní.

¹¹Bulu lóbwɛ mú alɔ.
 Ibw wánwan.’”

¹²Iwu Yudafɔ ámu bekleá békítá Yesu, tsúfɛ bɛbi ání amú su alahá yébi ánfɔ, táme buɔɛ ɔɔm amu ifú nya. Mú su benatí sí mu.

Lampóoka

(Mateo 22:15-22; Luka 20:20-26)

¹³Ɔma a, bɔwa Farisifɔ pú Owíe Herode ahá bɛɛ, buyétetée Yesu ɔnótɔ asún nu, abɔnya mu akitálé. ¹⁴Bréá beba mu wá á, bebláa mu bɛɛ, “Osunápú, anyin ání ɔnɔkwalɔpu fugyi. Futamahá ɔhaa ɔtse fú agywun, tsúfɛ futamaki ɔhaa ansítɔ. Mboún Bulu asún ámbú igyi ɔnɔkwali amu fudesuná. Mú su anidé fɔ fité anu. Anɔ mbla leha ɔkpa ání akáa lampóo ha Roma owíe dehen Kaesare, ntée animáka?”

¹⁵Yesu lébi ání buki ansí. Mú su ɔlefíté amú ɔbée, “Apinabwebí abwɛpú, ntogyi só mludé mí sɔɔ kí? Mlitsu kóba amu iku ba mi anki.”

¹⁶Bɔpɔba mu. Mú ɔlefíté amú ɔbée, “Ma nwun pú mu idá dín mósú?”

Bele mú ɔnɔ bɛɛ, “Kaesare.”

¹⁷Mú ɔlebláa amú ɔbée, “Múmú mɔlɔpu tɔá igyi Kaesare klé ha Kaesare, amɔlɔpu múá igyi Bulu klé é ha Bulu.”

Mu iwɔ lówa amú ifú.

Kusó Tsú Afúlitɔ Iwɔ Asun Fitéhé

(Mateo 22:23-33; Luka 20:27-40)

¹⁸Ɔpasua kvá butetí mú Sadukifɔ aku beba Yesu wá. Bɔgyi ɔpasua kvá buteblí bɛɛ, kusó tsú afúlitɔ ma iwɔ. Befíté mu bɛɛ, ¹⁹“Osunápú, Mose lówanlín tswɔ anɔ ɔbée, ‘Ní ɔku mu ka bɔmɔkwí asa ɔlowu sí mu ka ámu a, mu pio otsú mu ka ámu tsia, féki ɔkwu ha owupú ámu.’”

²⁰ Oyin ɔkule abí abasiénó aku betsiá. Amútó ogyankpapu létsiá ɔká, táme ɔmɔkwí asa olowu. ²¹ Mu gyama lótsu ɔsurapuka amu tsía, táme mu é ɔmɔkwí. Ɔsaasi lótsu ɔtsi ámu tsía. Mu é ɔmɔkwí. ²² Alu yótu osienósí amu. Amútó ɔkuku mókwí asa olowu. Ɔma-ɔma a, ɔsurapu amu é lóbowu. ²³ Afúli ɔkusúké a, amútó ɔmɔmu ɔbóbwe mu kulu? Tsúfɛ amú abasiénó ámu féé betsiá mu.”

²⁴ Múb Yesu léle mú ɔnó ɔbé, “Megyí mli ológyi. Mluméyín Bulu asun wanlínhé amu ntée Bulu túmi. ²⁵ Tsúfɛ ní afúli bɔkúsú á, bóbwe fé Bulu-abɔpu. Buméetsiá aká mú akúlu. ²⁶ Táme afúlikusó iwí mú á, yée mlilakla Mose ɔwuló, nú asún ámú Bulu lébláa mu dimbísú bréá olowun oyíbi ku de ogyá tsí, táme umedéhóo amu? Ɔbé, ‘Mígyí mli anáin Abraham mu Isak pú Yakob Bulu ámu ni.’ ” ²⁷ Inu ɔlebláa amú ɔbé, “Megyí awupú Bulu ógyi, akiankpapu Bulu ógyi. Mli mú mlilafwí féé.”

Bulu Mbla Ámuto Múá Idun
(Mateo 22:34-40; Luka 10:25-28)

²⁸ Mose mbla asunápú amuto ɔkule lóɔtu amú inu, olonu asún ání budebití. Olowun ání Yesu lalé Sadukifo ámu asún ɔnó wankláán. Mú su ɔlefíté Yesu ɔbé, “Bulu mbla ámuto mɔmu dón?”

²⁹ Yesu léle mú ɔnó ɔbé, “Bulu mbla ámuto múá idun ni. ‘Israelfɔ, mlinu. Bulu ɔkule pé aní Wíe Bulu gyí. ³⁰ Mú su pu fú klun, fú ɔkláa, fú agywun pú fú ɔwunlín féé dwe fú Wíe Bulu.’ ³¹ Mú nyɔɔsi é gyí, ‘Dwe fú bá fé fú iwí.’ Mbla kuku itráa ma unvá idun íni.”

³² Mbla osunápú amu lébláa Yesu ɔbé, “Osunápú, fablí ɔnɔkwali. Aní Wíe Bulu nkule pé bu inu, ɔkuku trá ɔma inu. ³³ Apúv aní klun, aní agywun pú aní ɔwunlín féé dwé mu, adwe aní aba fé aní iwí. Idun mbwi tóhé pú afɔdie kugyíku.”

³⁴ Yesu lówun ání alabí lé asún ámu ɔnó wankláán, ɔlebláa mu ɔbé, “Fuma ifó Bulu iwígyí ámuto.”

Mó ɔma a, ɔhaa métrá wa klun fité mu asvansu.

Ma Gyí Kristo Amv?

(Mateo 22:41-46; Luka 20:41-44)

³⁵ Bréá Yesu dé ató suná Bulu ɔtswékpa nwunsinésú inu á, ɔlefíté ɔbéé, “Nkáli sù Mose mbla asunápú amv betalí blí beé, Owíe Dawid mu na gyí Kristo, (ɔhá á múú Bulu léda mu ofúli amv)? ³⁶ Tsúfé Ɖɔɛ Wankíhé léha Owíe Dawid onutó léblí ɔbéé,

‘Ani Wíe Bulu lébláa mí Wíe ɔbéé,

“Tsia mí gyɔpɔsu nfi

yófun bréá néha fétsatsáa fú alupúsú.” ’

³⁷ Owíe Dawid onutó létí mu ɔbéé mu wie. Nkáli su ɔtráa ogyi mu na?”

Asún ánfí lówa ɔɔm kɔnkpɔnkpɔnti á múú befia bomlí mu amv ɔdwe, bɔpu ansigyí nú mu asún.

Mose Mbla Asunápú Tsiátó

(Mateo 23:1-36; Luka 20:45-47)

³⁸ Yesu léblí mu atosunáhé amutɔ ɔbéé, “Mlikɔ wankláán Mose mbla asunápúsú. Butekle ligá wa náti kí, butekle beé, ahá bubún ha amú itsiá dunsu. ³⁹ Otsiákpá yilé butekle tsiá Yudafɔ ofiakpa pú nke ogyíkpá. ⁴⁰ Butesísi asvrapu, swíi amú amú wóyí. Butepina bɔ mpái tɔntíuntín ahátɔ póbun amú lalahesu. Bulu ɔbébití amú isv kínkíínkín!”

Ɖsvrapu Ɖku Tswitswi

(Luka 21:1-4)

⁴¹ Yesu létsiá mantáa tswitswi dáka Bulu ɔtswékpa inu, ɔde ahá kí buɔepu amú tswitswi bɔwa mótó. Ahá ání amú ibitɔ bu odwin buɔepu kóba akɔnkpɔnti bɔwa. ⁴² Inu ɔsvrapu ɔkvá ɔma tɔtɔ é lópu mu kóba-ana bɔwa dáka ámutɔ. ⁴³ Múú ɔletí mu akasípú amv ba mu wá, ɔlebláa amú ɔbéé, “Ɖnɔkwali nde mli bláa, tswitswiá ɔsvrapu anfi ɔma tɔtɔ lawá á, idun ɔhagyíɔha klé. ⁴⁴ Tsúfé atráhe amv féé

á, amú kóba tsòtsòtsòto balé kpalobí tsú bowa. Táme íniá òsurapu anfi mú má tòto su tóá òbu fée alapú bowa á.”

13

Bulu Ọtswékpa Amu Bwie
(Mateo 24:1-2; Luka 21:5-6)

¹ Bréá Yesu lédalu Bulu ọtswékpa wunsunésó inu ọyó á, mu akasípú amuto ọkule lébláa mu ọbéé, “Osunápú, kí mbu wankláán pú abwi akpònkpònti ánfí bọpuyi mú ánfí akíle!”

² Múú ọlebláa mu ọbéé, “Yéé fawun mbu akpònkpònkpònti ánfí? Bóbwie mú fée bun. Ibwi kule kúráá méesian dinká mú bású.”

Iwiosun Múa Ikpłán
(Mateo 24:3-14; Luka 21:7-19)

³ Bréá Yesu tsie Nfò-nyíbu ámvsu, ọde Bulu ọtswékpa mbu ámu kí a, Petro, Yakobo, Yohane mva Andrea nkule befíté mu bée, ⁴ “Bla aní, bré mòmuto íni fée béba? Osúna mòmú é ọbéba, ibósuná ání mú bré lafun?”

⁵ Inu Yesu lébláa amú ọbéé, “Mlíki wankláán, méní ọhaa méémle mí. ⁶ Ahá tsòtsòtsò bọpú mí dá ba bée, amúgyí Kristo amu ni. Bémlé ahá tsòtsòtsò bófwí ọkpa. ⁷ Ní mlonúá isá ladá mantáa mí ntée ọtíneku á, opúni mátsíí mí Tsúfẹ lehián ání iní aná fée béba, táme imedésuná ání ọyí ọnómaké ámu lafun. ⁸ Tsúfẹ ọmá bóko aba. Awíe bókusú líí abasu. Ọsulún békpunkí ntíné-ntíné. Akún é béba. Iní fée igyi fé iwiosun ání ọtsi towun bréá ikwí de mu dwiín.

⁹ “Mó su mí mú mlíki mí iwí wankláán. Tsúfẹ mí su bọpú mí há Yudafo asón agyípú, béda mí amú ofiakpa awúlu-awúlusu. Békpa mí ya ọmású agyípú pú awíe ansító, méní mlégyí mí iwí adánsie. ¹⁰ Táme ilehián ání bégyankpá dá asun wankláán ámu ọkan súná ọyító ahá fée.

¹¹ Ní bekítá mí ya a, mlumágywíin asón ání mléblí. Mlíbli asóngyiasón ání Bulu ọbọpwa mí ọnó alí bré ámu to.

Tsúfě megýí mli onutó òbótáí, Òje Wankíhé òbótáí tsun mliṣu.

¹² “Apíó béle amó apíó há lowu. Abí así béle amó abí há. Abí é bókusú líí amó akwípóṣu, há bómò amú. ¹³ Mí su ahá fěé bólu mli, táme ní mlétalí wá klun líí kínkíínkín yófun mú ònómò á, Bulu òbóhò mli nkpa.

Iwiosin Wúunbi

(Mateo 24:15-28; Luka 21:20-24)

¹⁴ “Táme ní mlowun akisítá itobwíé òmá, ida òtínéá mli médín ansí ání ibéba a, (aklápṣ, mlinu mó asi.) Mómú ahá ání bubu Yudea òmátó busri yò abusu. ¹⁵ Òhá ání òdin obusu mákplí botsu tótò obuto! ¹⁶ Òhá ání òbu ndótò é máyínkí botsu mu tati. ¹⁷ Amenyapó pú abí-ayín ání bupia abi bóbwe alí bré ámutò, bugyówí ní! ¹⁸ Mli kokoli Bulu mli aa, mli òsríké amu imábwe nyankpṣu múa atsalíbí. ¹⁹ Tsúfě asun wunhe ání ibéba alí bré ámutò odu makúba tsú bréá Bulu lóbwe oyí òpá kí. Mú odu kuku é iméetrá ba ekekεεεε. ²⁰ Ní Bulu médinkí nke ámusu á, tekí òhaa méesian oyító. Táme ahá ámú alalé póbwé mu kle amu su aladínkí nke ámusu.

²¹ “Alí bré ámutò á, ní òku lébláa fu òbéε, ‘Kí, Kristo, (òhá ámú Bulu ladá mu ofúli amu) bu nfi ntée nána’ á, máhógyi. ²² Tsúfě ahá ání beε amúgyí Kristo amu pú ahá ání bówá afunu beε, Bulu ònósú atóipú bugyi tsòtsòtsò béba oyító. Bóbwe ofúla pú osúna púmlé ahá. Ní bétalí kóráá á, bémlé ahá ámú Bulu lalé ámu é. ²³ Táme mliki wankláán! Nabláa mli tógyító asa ibéba.

Nyankpusa-Mu-Bi Ámu Ibábi

(Mateo 24:29-31; Luka 21:25-28)

²⁴ “Iwiosin wúun amu òma a, owí òbéta, òtsra é òméetrá fěí. ²⁵ Ntsrakpabi békpa tsú òsúsú beda. Nwulótáa múa mótó ató fěé békpinkí. ²⁶ Òhagyíòha obówun ání mí, Nyankpusa-Mu-Bi ánfi napó túmi múa numnyam

kpɔ̀nkpɔ̀ntɪ mbu nwuló́táatɔ tsú ɔ́súsú nebá. ²⁷ Inu Bulu ɔ́bówa mu abɔpu béyekpa mu ahá ámuúb alalé ámu tsú ɔ́yí afunka ana ámu féesú.

Ɔ́yí Ɖnómɔ Iwɪ Osúna

(Mateo 24:32-35; Luka 21:29-33)

²⁸ “Mlɪpukɪ pɔ̀ntɔ ɔ́yí. Ní mú abámbi depɔ́í, ide atɛ pɔ̀pwe le á, mlitebí ání awikpan bré lafun. ²⁹ Alɪ kén, ní mlowun ání ntobí ánfɪ fées ide mútɔ́ bá a, mlébi ání mí, Nyankpusa-Mu-Bi ánfɪ íbábi lafun ta ní. Nawíé wóyí ámu ɔ́nɔ́ tá. ³⁰ Ɖnɔ̀kwali ndɛ mli bláa. Ndemba-abí anfi fées bumóowu tá, asa íni fées béba mútɔ́. ³¹ Ɖsú múa asti fées bótsun, táme mí asun blíhé móɔtsun ekekekeke.

Nyankpusa-Mu-Bi Ámu Ibábi

(Mateo 24:36-44)

³² “Táme ɔ́haa méyín eke ntée bréá ntobí ánfɪ fées íbéba. Bulu-abɔpu bumeyín. Bulu mu Bi ámu é méyín, nkéti anɪ Sí ámuúb ɔ́bu ɔ́súsú ámu nkule pé yin. ³³ Mlɪdɪnka ansí iwɪsu, tsúfɛ mlíméyín ekeá bré ámu íbɔ́fun. ³⁴ Igyi fɛ ɔ́kwá ɔ́de ɔ́kpa tu, olesi mu wóyí wá mu asúmpú íbɔ́tɔ. Ɖleha okugyíɔ́ku agyúmá ɔ́béɛ ɔ́bwéɛ. Ɖlebláa wóyí ámu ɔ́gyópu é ɔ́béɛ, ɔ́yíri iwɪ ɔ́gyo wóyí ámu wankláán. ³⁵ Mú su mlɪdɪnka ansí iwɪsu, tsúfɛ mlíméyín bréá wóyí mu wie amu ɔ́béba. Fíali ntúrpwe o, ɔ́yí-nsiné o, bake o, ntée nyankɪ. ³⁶ Mlɪdɪnka ansí iwɪsu, méni ɔ́bá bofwie mlɪtɔ́ á, ɔ́mɔ́bɔtu mli ání mlɪladídi. ³⁷ Asún ánfɪ ndɛ mli bláa anfi kén ndɛ ɔ́yítɔ́ ahá fées bláa. Mbéɛ, ‘Mlɪdɪnka ansí iwɪsu.’ ”

14

Bekɪklí Yesu Nwunsu

(Mateo 26:1-5; Luka 22:1-2; Yohane 11:45-53)

¹ Ilesi nkenyó Yudafɔ́ abugyi Israelfɔ́su Katsun Nke pú Bodobodo MátúhéNke. Alɪ bré ámutɔ́ Bulu igyi ahapú dehen pú Mose mbla asunápú bodunká ɔ́kpa ání bótsun

músú kítá Yesu rjainto, mó mu kokooko. ² Táme beblí bee, “Megyí Katsun Nke ánfuto abómò mu, ménì kpokiti méeda omá ámutò.”

*Ofobí Fánfáánfán Pwólí Yesu
(Mateo 26:6-13; Yohane 12:1-8)*

³ Bréá Yesu bu Betania wúluto, Simon okvá alaló ilo pepe ki wóyító ode ató gyí a, oṣi oku léba un; ode prentua wankláán kvá ofobí fánfán ání ibíá bu mútó. Oletíí mú onó, oletseí ofobí ámu wólí Yesu nwunto. ⁴ Aku bubu unvá umowa amú odwe. Befité aba bee, “Ntogyi sù ode ofobí ánfí yintá? ⁵ Teki abétalí fé ofobí fánfán ánfí, mú ibíá bódun obakóle ofi okule ikóká ánfí, póhá ahiánfò.” Behie wá iyun wá oṣi ámu.

⁶ Táme Yesu léblí obée, “Mlisi mu! Ntogyi sù mlidé mu háan? Ito yilé alabwé há mí. ⁷ Ahiánfò bétsiá mlí wá ekekegyíeke. Brégyíbréá mlidéklé a, mlétalí wá awitale há amú, táme mí mú mméetsiá mlito yó. ⁸ Alabwé móá obétalí púlá mí oyulúv yáí há mí opuláké. ⁹ Onokwalí nde mlí bláa. Oyító otíneyíotínéá béda Bulu asun wankláán ámu okan a, béblí tó ánfí oṣi ánfí labwé ánfí pókáín musv.”

*Yuda Iskariot Lótsulá Ání Obéle Yesu Há
(Mateo 26:14-16; Luka 22:3-6)*

¹⁰ Mú oma a, mu akasípú dúanyò ámutò okuleá butetí mu Yuda Iskariot lóyówun Bulu igyí ahapú dehen amu, ménì obéle Yesu há amú. ¹¹ Bréá bonu asón ánfí á, ilehie wá amú odwe. Behie mu así ání béka mu ikò. Mú sv olodunká okpa ání obótsun músú lé Yesu há amú.

Katsun Atogyihe Gyí

(Mateo 26:17-25; Luka 22:7-14, 21-23; Yohane 13:21-30)

¹² Bodobodo MátúhéNke ámutò eke gyankpapvá butómó Israelfòsv Katsun Nke akúfa lófòn. Yesu akasípú befité mu bee, “Osunápú, obu mòmuto ayela ha fu, afugyi Katsun Nketò atogyihe amv?”

¹³ Múu ɔlɔwa amútó abanyó, bláa amú ɔbéε, “Mliɔ Yerusalem wúluto, mléfia oyin ɔkúá ɔsu ntsu-ɔló, mlibuo mu. ¹⁴ Wóyí oduátó obówie á, mlifite wóyí mu wie amu mliaa, ‘Nkúnú afɔ́ ɔswúkpá bu, ání mía mí akasípú abéba begyi Israelfɔsu Katsun atogyihe amu?’ ¹⁵ Obósuná mli abansóru yílé kúá balá mótó yáí. Mlibwe ató ámu yai unv.”

¹⁶ Yesu akasípú amu bɔyɔ wúlu amuto á, bowun tógyító alí ámú Yesu lébláa amú ámu pépéépé, bɔbwe Israelfɔsu Katsun atogyihe amu yáí unv.

¹⁷ Bréá nsaintɔ deklúun a, Yesu mua mu akasípú beba unv. ¹⁸ Ató ámu ogyíkpa a, Yesu lébláa amú ɔbéε, “Ɖnɔkwali nde mli bláa, mliɔ ɔkuleá mía munyɔ ibi da ɔlepetɔ ɔbéle mí há.”

¹⁹ Asón ánfí léhie han akasípú amu. Mú su befi así bude mu fité ikole-kole beε, “Mí ní lóó?”

²⁰ Yesu lébláa amú ɔbéε, “Mli ahá dúanyɔ ánfito ɔkuleá mía munyɔ ibi da ɔlepetɔ ɔbéle mí há ní. ²¹ Mí, Nyankpusa-Mu-Bi ánfí nówu fé alá bɔwanlín tswi, táme ɔhá ámú ɔbéle mí há ámu ɔgyówi ní. Ní bumetepí kwíí mu kóráá á, teki ibu alé há mu.”

Yesu Ntúpwe Atogyihe Tráhe

(Mateo 26:26-30; Luka 22:14-20; 1 Korintofo 11:23-25)

²² Bréá bude ató ámu gyí a, Yesu léle bodobodo ipín, ɔleda Bulu ipán, bíábía mótó púhá amú, blí ɔbéε, “Mliɔ, mí ɔyulúv ni.”

²³ Inu olotsu ntá-εwe, ɔleda Bulu ipán, púhá amú féé bonu. ²⁴ Múu ɔlebláa amú ɔbéε, “Mí obugya ni. Mú Bulu dépusí mu ntam* ání alaká há ahásu ní. Bétseí mú wúlí así ahá tsɔtsɔtsɔ lakpan su. ²⁵ Ɖnɔkwali nde mli bláa, mmétrá nu wáun-abí ntá ánfí alu yófon ekeá nónu mú pópwe Bulu iwíegyí ámuto.”

* 14:24 Ntam pópwe bu nwulú dada amu akoto.

²⁶ Benya wá ilu dá Bulu ipán tá alí, benatí yó Nfɔ-nyíbu ámusu.

Petro Ọ́bóswú Ọ́bée Mọ́meyín Yesu

(Mateo 26:31-35; Luka 22:31-34; Yohane 13:36-38)

²⁷ Múy Yesu lébláa amú ọ́bée, “Mli fée mléyinkí mí ọ́ma. Tsúfẹ́ Bulu ọ́nósú atọ́pú amu bọ́wanlín wá Bulu asún ámutọ́ bẹe, ‘Néda akúfa ọ́kparọ́ ámu lédá, mu akúfa bédasáín.’ ²⁸ Táme ní Bulu ọ́kúsọ́a mi tsú afúlitọ́ á, négya mli nkpa yó Galilea ọ́mátó.”

²⁹ Petro lébláa mu ọ́bée, “Ní amú fée beyinkí fú ọ́má kóráá á, mí mú mméeyinkí ekekekeke.”

³⁰ Yesu lébláa mu ọ́bée, “Ọ́nọ́kwali nde fú bláa. Onyeni, asa bate ọ́bẹ́le ọ́nó tse nyọ́ á, fọ́swú pú ibi wá ogyá tse sa fẹe fọ́meyín mí.”

³¹ Inu Petro léfin yabi yi ọ́bée, “Ní lowu igyi kóráá á, mméekiná fú ekekekeke.”

Alí kén atráhe amu é fée beblí ní.

Mpáibo Getsemane

(Mateo 26:36-46; Luka 22:39-46)

³² Boyówie ọ́tinekuá butetí inu Getsemane. Múy Yesu lébláa mu akasípú amu ọ́bée, “Mlitsia nfi, nọ́yọ́bo mpái.”

³³ Ọ́lekpa Petro mva Yakobo pú Yohane buo iwí. Inu asún lehié han mu, mu ansí lepe. ³⁴ Múy ọ́lebláa amú ọ́bée, “Asún ihíé de mí háan. Ideklé mọ́ mí. Mlitsia nfi, amligyo.”

³⁵ Inu ọ́lenatí yó nkpa kpalobí, ọ́leda akpawunu kókólí Bulu ọ́bée, “Ní ibọ́wa alé á, ha bré ánfí itsun misu.” ³⁶ Múy ọ́leblí ọ́bée, “Abba† Mí Sí, futetálí bwé tógyító. Ha ntá-ewe ánfí‡ itsun misu! Táme megýí tóá ndeklé, mboún múá fudeklé ibá mótó!”

† 14:36 ‘Abba!’ así gyí, ‘Mí Sí!’ ‡ 14:36 Ntá-ewe ánfí igyi iwíwusun ání Yesu obówun.

³⁷ Oleyinkí bá akasípú amu wá bowun ání budedidi. Ínu su òlefíté Petro òbée, “Simon, fudedidi? Fumetalí gyo ònhwírí kule kpán? ³⁸ Mligyo amlíkòkòlì Bulu, ménu mlumóowie isókító. Tsúfè òjé ámu déklé, táme nyankpusa lóron.”

³⁹ Òlètrá yóbo mpái, bláa Bulu ason kua kule amu kén. ⁴⁰ Òlètrá yinkí ba bowun ání akasípú amu butráa budedidi, tsúfè didí de amó bu. Bumetalí bláa mu asvansu.

⁴¹ Bréá òlèba otse saasi a, òlefíté amó òbée, “Mlilatráa si mlida mlidé òkpúnú da? Itsíá alí nya! Bré ámu lafun ání bópu mí, Nyankpusa-Mu-Bi ánfí wá lakpan abwepó ibító. ⁴² Mlikusu ayò. Mlikí, òhá ámúú òde mí le há ámu ná á!”

Yesu Kítá

(Mateo 26:47-56; Luka 22:47-53; Yohane 18:3-12)

⁴³ Yesu ònó mesi asa akasípú dúanyò ámutò òkuleá butetí mu Yuda lóbowie unu. Òðám ání bude ndayí pú nkpotí bubuo mu. Bulu igyí ahapú dehen, Mose mbla asunápú pú Yudafò ahande amu lówa amó. ⁴⁴ Yuda amúú òlèlè Yesu há ámu lébláa òðám amu yáí òbée, “Òhá ámúú nélatá pútá ámu gyí òhá ámu ni. Mlikita mu kínkíínkín, amlíkpa mu natí.”

⁴⁵ Inu òlenatí laa yó Yesu wá, yókpólí mu òbée, “Os-unápú!” Òlèlatá mu pútá. ⁴⁶ Inu ahá ámu benatí tú Yesu, kítá mu kínkíínkín. ⁴⁷ Táme unu alípú amutò òkule lótswi mu òdayí kpá Bulu igyí òhapú dehen osúmbi òku isu lé. ⁴⁸ Inu Yesu léfíté amó òbée, “Ogyo otswapú ngyi, sù mlilatsú nkpotí pú ndayí mlébá mí òkitákpá? ⁴⁹ Ntsie mli wá Bulu òtswékpa wunsínésú unu ekekegyíeke, nde mli ató suná, mlímékítá mí ekekeeke. Ínu lahá Bulu asun wanlínhé amu ilaba mótó.”

⁵⁰ Inu mu akasípú amu fée besrí sí mu.

⁵¹ Ilesi oyasubi òkúá òlòwa ligá nkule. Bekítá mu, ⁵² táme òlòkòlì, sí mu ligá ámu wá amó ibító, pú yayá srí.

Yudafɔ Ahande Ansító Lú

(*Mateo 26:57-68; Luka 22:54-55, 63-71; Yohane 18:13-14, 19-24*)

⁵³ Bekpa Yesu ya Bulu igyí ɔhapú dehen wóyí. Igyí ahapú dehen, Mose mbla asunápú pú Yudafɔ ahande amu fée bafia unu. ⁵⁴ Petro lépetí buo amú ɔma tsútsúútsú, alu yówie wóyító unu. Inu oleyétsiá unu asúmpú wá, ɔde ogyá núu. ⁵⁵ Inu Bulu igyí ahapú dehen pú Yudafɔ asún agyípu[§] atráhe fée bodunká ahá ání béka asún dínká Yesusu, méni bélu amú asun blíhésu mó mu, táme bumenya. ⁵⁶ Tsúfée ahá tsɔtsɔtsɔ bɔwa afunu dínká musu, táme amú fée ɔnó lɔtsun ɔtsan.

⁵⁷ Inu aku bɔkusú ká asún dínká musu beɛ, ⁵⁸ “Anilónuá ɔleblí ɔbéɛ, ‘Nóbwie Bulu ɔtswékpa anfi bapú ibi yi anfi, táme nkensá ɔma a, nélayi pópweá megyí nyankpusa ɔbɔpu ibi yi mú.’ ” ⁵⁹ Táme amú é amú ɔnó mɔbwe kule.

⁶⁰ Inu Bulu igyí ɔhapú dehen amu lókusú líí amú fée ansító, ɔlefité Yesu ɔbéɛ, “Fuma ɔnó lé? Fuma asvansu blí púlé fú iwí?”

⁶¹ Táme Yesu méle asvansu ɔnó. Múú Bulu igyí ɔhapú dehen amu létrá fité mu ɔbéɛ, “Bulu á múú butekánfú ámu mu Bi gyí fú? Fúgyí Kristo, (ɔhá á múú Bulu léda mu ofúli amu) ní?”

⁶² Yesu léle mú ɔnó ɔbéɛ, “Ee! Mí ní! Mlówun ání mí, Nyankpusa-Mu-Bi ání ntsie Bulu Otúmípu gyɔpísu ání ndun nwolótáasu tsú ɔsúsú nebá.”

⁶³ Bulu igyí ɔhapú dehen amu lékitá mu atadie bálí mú kiaan.* Múú ɔleblí ɔbéɛ, “Adánsie mɔmu anutráa anigyó? ⁶⁴ Mlilanú abususu ání alablí. Nkálí gyí mli agywun?”

Amú fée botsulá ání olegyi pón, bumóo mu.

[§] 14:55 *Yudafɔ* asún agyípu anfi butetí Sanhedrin Griiki ɔblító. * 14:63 *Ilosuná* ání asún ámu lawíé mu iwító dubi.

⁶⁵ Amótó aku bowa atsvnó tutúu wulí mu bi. Bɔpu ató tin mu ansibi, bɔfulí mu atswɛ, bláa mu beɛ, “Bulu ɔnósú ɔtɔ́pú, suna ani ɔhá ání ɔlɔfulí fú itswɛ!” Inu agyópu amu é beɔadáa mu asvto.

Petro Lóswuí Ɖbéɛ Mmɛyín Yesu

(Mateo 26:69-75; Luka 22:56-62; Yohane 18:15-18, 25-27)

⁶⁶ Petro lési otsie wunsinésú inu, Bulu igyí ɔhapú dehen amu osúmbi tshé ɔku léba. ⁶⁷ Bréá olowun Petro tsie ɔde ogyá núu a, ɔleki mu díín. Múú ɔlefíté Petro ɔbéɛ, “Fúa Yesu Nasaretyin amu nyɔ ná.”

⁶⁸ Táme Petro lóswuí blí ɔbéɛ, “Mmɛyín tɔtɔ tsú asún ánfɪ fudeblí ánfɪ iwɪ!” Ɖlenatí yélí ɔkpa ɔnó, inu bate lóɔbun.†

⁶⁹ Osúmbi tshé ámu létrá yótu mu inu, ɔlɔwa ahá á múú bulú inu ámu bláa bi ɔbéɛ, “Amótó ɔkule gyi oyin ánfɪ.”

⁷⁰ Táme Petro létrá swuí pú ibi wá ogyá.

Ilɔbwe kpalobí á, ahá á múú bulú inu ámu bebláa Petro beɛ, “Lélé mú á, amótó ɔkule fugyi, tsúfé Galileayin fú é fúgyi?”

⁷¹ Inu Petro lówa ntam kakáa bi ɔbéɛ, “Neká tógyító, mmɛyín oyin ánfɪ mlidé mu iwɪ asún blí ánfɪ.”

⁷² Inu bate lóɔɔon otse nyɔɔsi. Múú Petro lékaín asún á múú Yesu lébláa mu ɔbéɛ, “Fóswuí tse sa fɛɛ fumɛyín mí asa bate ɔbéɛ ɔnó tse nyɔ.” ámuɔv. Múú ɔlekpa isú yi, híé sú woo.

15

Yesu Pilato Ansító Lú

(Mateo 27:1-2, 11-14; Luka 23:1-5; Yohane 18:28-38)

¹ Ɖyi kehe nyanki-nyanki a, Yudafɔ ahandɛ-ahandɛ amu fɛ́é befia kitá agywun. Aku bugyi, Bulu igyí ahapú dehen,

† 14:68 Inu bate lóɔɔon uma nwuló dada amu akvto.

Mose mbla asunápú pú Yudafo ahande atráhe*. Inu beha beklí Yesu, pú mu yówa Pilato ibito. ² Pilato léfité Yesu obéé, “Fúgyí Yudafo owíe amu ni?”

Yesu léle mú onó obéé, “Ee, mú fablí á!”

³ Inu igyí ahapú dehen amu beka asún tsotsotsosa dínká Yesusu. ⁴ Mú su Pilato léfité Yesu obéé, “Kí asún tsotsotsosa baká dínká fúsú, fuma mú onó lé?”

⁵ Táme Yesu mele asvansu onó. Mu su ulowa Pilato wánwan.

Yesu Lowu Ipón Ha

(Mateo 27:15-26; Luka 23:13-25; Yohane 18:39-19:16)

⁶ Katsun Nke kugyíkutó á, igyí omású ogyípú Pilato amándíé ání obési obu adipútó okuleá amú onutó budeklé há amú. ⁷ Oyin okvá butetí mu Baraba mua mu aba buda obu ali bré ámutó. Bòkusú líí omású, kpokiti léda, bomo oha mótó. ⁸ Odòm amú boyo Pilato wá yóbwií ipa há mu beé, osíí obu odipú okule ha amú ali ámú otetsiá bwé há amú ámu. ⁹ Mú Pilato léfité amú obéé, “Mludéklé mlíaa, nsíí Yudafo Owíe anfi ha mli lóó?” ¹⁰ Oléfité amú ali, tsúfé olowun ání Yesu iwí olu só Bulu igyí ahapú dehen amu bakítá mu ba mu.

¹¹ Igyí ahapú dehen amu beha odòm amu onó beé, bukókoli Pilato, osi Baraba mboún ha amú. ¹² Pilato létra fité amú obéé, “Nto mbwée oha ámú mlidéti mlíaa, Yudafo Owíe amu?”

¹³ Inu amú féé basurá okitikíti beé, “Da mu manta oyikpalíhesu!”

¹⁴ Pilato léfité amú obéé, “Tsitsa mamu alabwé?”

Táme belasurá okitikíti kúklókúú beé “Da mu manta oyikpalíhesu!”

¹⁵ Pilato dékléá obóbwe odòm amu apé há amú. Mú su olesi Baraba há amú, oheha mu isá akópú bepití Yesu

* 15:1 Ahande atráhe anfi butetí Sanhedrin Griiki oblító.

mpli, ɔɔpɔ mu wá amó ibitɔ ɔbée, buyéda mu manta oyikpalíhesu.

Yesu Ahinlá Bwe

(Mateo 27:27-31; Yohane 19:2-3)

¹⁶ Isá akɔpú ámu bekpa Yesu ya ɔmású ogyípú amu wóyító. Beti amó aba isá akɔpú atráhe amu féeé, beda Yesu ɔbun. ¹⁷ Bɔpu ligá pepe ku wá mu, bɔlu obungyo-awu, bwé mú owíepa bun mu nwun. ¹⁸ Inu bɔbwe mu ahinlá, beti mu bee, “Yudafɔ Owíe, fú nkpasu ɔnlusu!” Bɔtswi opé! ¹⁹ Inu bɔpu oyí sísi mu nwuntɔ, tutúu atsvnó wólí mu, dá akpawunu mu ansító. ²⁰ Bɔbwe mu ahinlá tá á, bɔwɔí amó ligá pepe amu, yínkía mu onutó atadie wá mu, bekpa mu dálí beyéda mu mántá oyikpalíhesu.

Yesu Da Mántá Oyikpalíhesu

(Mateo 27:32-44; Luka 23:26-43; Yohane 19:17-27)

²¹ Bafia Kireneyin ɔkuá butetí mu Simon, ogyi Aleksandro mua Rufo ɔsí. Otsú abú así ɔbá, beka mu híé bee, ɔsúra oyikpalíhe amu. ²² Múú bekpa Yesu ya ɔtinekuá butetí inu Golgota. Mú así gyí, “Nwun Okokobi Otsiákpá.” ²³ Bɔpu afá kuá iteba iwɔsin así wá ntátó tin Yesu ɔnó bee onúu, táme omonu. ²⁴ Beda mu mántá oyikpalíhe amusu tá á, beye mu atadietɔ. Inu bɔtswi abi púki ɔhagyíɔha ogyíkpá. ²⁵ Ibɔbwe fé nyanki dokwebátó beda mu mántá oyikpalíhesu. ²⁶ Múú bɔwanlín tóá svá buɔe mu da mántá oyikpalíhe amusu dínká mu awunso bee, “YUDAFɔ OWÍE.” ²⁷⁻²⁸ Beda awikplu abanyó aku é mántá nyikpalíhesu tsía mutɔ. Ɔkule bu mu gyɔpɔsu, ɔkule é bu mu binasu.†

† 15:27-28 Múú yée 28 bu nwló dada amu akvto: Ínu léha Bulu asón ámúú bɔwanlín tswi amu léba múú. Asón ámu gyí, “Bekla mu wá lakpan abwepútó.”

²⁹ Inu atsónpu bəkpukpúw nwuntə, blí mu iwí abususu beɛ, “Yéé fú fɛɛ, fétalí bwíé Bulu ɔtswékpa amu, lápwe mu nkensá owító ní? ³⁰ Hə fú iwí, afukplí tsu oyí ámusu akí!”

³¹ Bulu igyí ahapú dehen pú Mose mbala asunápú amu é bəbwe mu ahinlá beɛ, “ɔlɔhə ahá nkpa, táme ɔmetálí hə mu iwí. ³² Ní mugyí Israelfə owíé, Kristo, (ɔhá amú Bulu léda mu ofúli) a, ɔkplí tsu oyí ámusu awun, ahə mu gyí!”

Ahá amú beda mántá oyísú mu gyɔpɩsu múa binasu ámu é bəbwe mu ahinlá.

Yesu Lowu

(Mateo 27:45-56; Luka 23:44-49; Yohane 19:28-30)

³³ Bréá dódúanyo leda á, owí leta ɔsulúv amusu fée alu yófun ntópwe ɔsata. ³⁴ ɔsa ámutə a, Yesu lókplɩn kóklúkú, blí ɔbéɛ, “Eloi, Eloi, Lama Sabaktani?” Mú asi gyí, “Mí Bulu, mí Bulu, ntogyi sú fakpá mí ɔma?”

³⁵ Ahá amú bulú inu ámutə aku bonu asún ánfɩ, beblí beɛ, “Mlɩnu, ɔde Elia kpolí.” ³⁶ Inu amótə ɔku lésrí tsú ɔsapa, púdá ntá ɔdáitə, púyí oyísú, tsú mú fúa pótɩn mu ɔnó ɔbéɛ, onúu. Mú ɔleblí ɔbéɛ, “Mlɩlu akí beɛ, Elia ɔbéba besɛí mu lé oyí ámusu?”

³⁷ Inu Yesu lókplɩn kóklúkú, ɔlele ɔhé.

³⁸ Inunu Bulu lébalí tatiá bəpuká ɔtswékpa obu ámutə anyo, tsú awunso beyi asi. ³⁹ Bréá isá akɔpú ɔhandéá ɔlí Yesu ansítə ɔdekú lówun alíá Yesu léle ɔhé tráhe a, ɔleblí ɔbéɛ “Lélé, Bulu mu Bi oyin ánfɩ gyí!”

⁴⁰ Atsi aku é bulú ífúntə budekú sísí. Amútə aku gyí, Magdalayintse Maria, Salome pú Maria ání ɔlɔkwí Yakobo mua mu gyama Yosef. ⁴¹ Amú é betsiá buo Yesu, tsíá kɩ musu bréá ɔbu Galilea. Atsi tsətsətsə akvá bobuo mu ba Yerusalem é bubu inu.

Yesu Pulá

(Mateo 27:57-61; Luka 23:50-56; Yohane 19:38-42)

⁴² Εκε άμυ igyi εκεά Yudafō butōpólá ιωι asa butegyι amú ðkpúnú ðdaké. Bréá owí ðepóon a, ⁴³ Arimateayin Yosef lówa iklon yó Pilato wá yókulí mu ðbéε, osíi Yesu fúli ha mu amupula. Yudafō asún ogyípu ogyi, butobú mu. Mu é ðde Bulu iwíegyí ámu ðkpa kí. ⁴⁴ Ilówa Pilato wánwan ání Yesu lawúna wu. Mú sv ðleti mu isá akōpú ðhande, fíté mu ní olowu ilawá ðpá. ⁴⁵ Bréá isá akōpú ðhande amu lótsulá músú á, Pilato lési fúli amu há Yosef. ⁴⁶ Múy Yosef lóhō ðhráda, ðlōyo yéσιεί Yesu lé oyí ámusu, kíklí mu wá ðhráda ámutō, tsú mu yópulá ðbó kuá beda butátó, olemináa ibwi yíléyílé ku tin ðbó ámu ðnó. ⁴⁷ Magdalayintse Maria mua Yosef mu yin Maria bowun Yesu opulákpá.

16

Yesu Kusó Tsú Afúlitō

(Mateo 28:1-8; Luka 24:1-12; Yohane 20:1-10)

¹ Yudafō ðkpúnú ðdaké ámu ilōtsun a, Magdalayintse Maria mua Yakobo mu yin Maria pú Salome bōhō ofobí fánfán ku beε, beyékpá Yesu fúli amu. ² Kwasiēda nyanki, bréá owí lopwié a, bōyo Yesu opulákpá inu. ³ Bréá buna ðkpatō á, amú wulεwulε bude aba fité beε, “Ma abénya obémináa ibwi ámu lé ðbó ámu ðnó há aní?” ⁴ Botsu ansí ki a, bamína ibwi ámu lé ðbó ámu ðnó dodo. Ibwi ámu léhie móní. ⁵ Bréá bebitíwíé ðbó ámutō á, bowun ání ðyasubi ðku lówa ligá futútúútú, otsie ðbó ámu gyōpísv. Ifú lēktá amú.

⁶ ðyasubi ámu lébláa amú ðbéε, “Mlumánya ifú. Nawun ání Yesu Nasaretyin amúy beda mántá oyikpalíhesu ámu mlidédunká. Bulu lakúsúa mu, ðma nfi. Mlíki ðtíné ámúy bopulá mu amu. ⁷ Mlyεbláa mu akasípú amu pú Petro mlíaa, alagya mli nkpa ðyó Galilea ðmátó. Inú mlówun mu fé alí ámúy ðlebláa mli ámu ni.”

⁸ Ịnu besrị dalu ọbó ámụta, tsúfẹ opúni letsíí amú, ọnó é lobwie amú. Mú su bréá bọyọ á, bumebláa ọhaa, tsúfẹ ifú de amú, budekpunkí kpakpakpa.

*Yesu Ịwịwanle Súná Magdalayintse Maria
(Mateo 28:9-10; Yohane 20:11-18)*

⁹ [Kwasieda bace, bréá Yesu lókusú tsú afúlito á, olegyankpá lé ịwị ọwan súná Magdalayintse Maria amúb olegya ọje láláhe asienó lé mụta ámu. ¹⁰ Mụ é ọleyébláa Yesu abúọpụ amúb bude mu sú, bude awirehọ gyí amu. ¹¹ Táme bréá ọlebláa amú ọbée, Yesu lakúsú, mawun mu a, bumohogyi.

*Yesu Ịwịwanle Súná Mụ Abúọpụ Abanyó
(Luka 24:13-35)*

¹² Ịnị ọma a, Yesu léle ịwị ọwan ọkpa bámbású súná mu abúọpụ abanyó bréá buna bọyó akuda, táme bumakósí bí mu. ¹³ Amú é beyinkí yébláa atráhe amu, táme amú é bumohogyi.

*Yesu Ịwịwanle Súná Mụ Akasípú
(Mateo 28:16-20; Luka 24:36-49; Yohane 20:19-23; Gyu-
magyihe 1:6-8)*

¹⁴ Ịnị fée ọma a, Yesu léle ịwị ọwan súná mu akasípú dúọkụn ámu bréá bude ató gyí. Amú kluntọ-odwin pú amú máhógyi su ọlwa ịyun wá amú. Tsúfẹ bumọhọ ahá amúb bowun mu mu kusú tsú afúlito ọma amu gyi. ¹⁵ Múb ọlebláa amú ọbée, “Mlịyọ ọyító fée, amliyeda Bulu asun wankláán ámu ọkan ha ahá fée. ¹⁶ Ọha ání olohogyi, bọbọ mu asú á, Bulu ọbóhọ mu nkpa, táme ọhá ání omohogyi obégyi pón. ¹⁷ Osúna anfi obóbuo ahá ání bohogyi ni. Bégya ọje láláhe mí idátó, béblí ọblí bámbá, ¹⁸ békutá awọ ịbitọ, bónu afá ání itómó kugyíku, táme imóobwe amú tọtọ. Bópụ ịbị dínká alọpusu, ịwị bówa amú ọnlun.”

Yesu Ɔsúsú Yɔ

(Luka 24:50-53; Gyumagyihe 1:9-11)

¹⁹ Bréá aní Wíe Yesu lébláa amú asún tá á, Bulu lótsu mu ya Ɔsúsú, oleyétsiá mu gyɔpɔsu. ²⁰ Mu akasípú amv befi asɩ bɔde asún ámv ɔkan da ɔtínegyíɔtíné. Aní Wíe Yesu lélí amú ɔma bɔyɔ agyúmá. Ɖlɔtsun osúna ání bɔbwesv, wá asún ámv ɔwɔnlín.]*

* 16:20 Mútó yée 9-20 ima nwulú dada amv akɔtɔ.

Bulu ntam pɔpwe; Nkonya
New Testament in Nkonya (GH:nko:Nkonya)

copyright © 2010 Wycliffe Bible Translators, Inc.

Language: Nkonya

Translation by: Wycliffe Bible Translators, Inc.

Nkonya

nko

Ghana

Copyright Information

© 2010, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Nkonya

© 2010, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

PDF generated using Haiola and XeLaTeX on 13 Mar 2019 from source files dated 13 Mar 2019

01b09958-fa53-51d1-aae0-88c7e9302503